


**QUID DE
BAPTISMATE
INFANTIORUM IUXTA
SCRIPTURAS DEI
SENTIENDUM...**

Martin Bucer



MENTEM ALIT ET EXCOLIT



K.K. HOFBIBLIOTHEK
ÖSTERR. NATIONALBIBLIOTHEK

79.Ee.236

79. E. 236

174

QVID DE BAPTISMATE

INFANTIVM IVXTA SCRIP-
pturas DEI sentiendum, ex-
cussis; quæcūq; uel pro hac
obseruatione, uel con-
tra eam, adfer-
ri solent.

Epistola ad quendam hac in re
impulsum, MARTINI BVCERI.

ARGENTORATI AN. M. D.
XXXIII. Mense Decembri.

CLARISS. VIRO D. IOAN. A VVYCK I. V.

Doctori, Iustitiæ consulto Bremensi & Monasteriensi,
Syndico certo & uero, Patrono suo obseruando S.D.

Mouit tua me, uir præstantiss. pro Ecclē/ sia Christi sollicitudo, ut epistolā quā de Pædobaptismate ante paucos hosce dies scripsi, reuisam, ac locupletatā æderē, tibiq; inscriberē. Video Satanā quālibet nihil impiorum dogmatū, quo unq; Eccl. Christi exercita est, hodie nō reuocet, damnatiōē tamē Pædobaptismatis grassari amplius, & ad cætera omnia uiam munire. Hac. n. obtrusa, à consortio ecclē siæ, à schola ueritatis, miseros auellit, perq; suos Apostolos, nullo iam non errore facile imbuit. ita ut hodie passim experimur. Inde est, ut nostri temporis insani dogmatistę, q̄tūuis aliās inter se pugnent, seseq; inuicem dire deuouent, omēs tamen in oppugnatione Pædobaptismatis conspirent, & ab ea initiū furoris sui faciant. Hoc itaq; studiosius, isti oīm hæreseon principio, occurrendū, in quo cū tu ciuilibus actionibus adeo implicitus tātōpere labores, haud fuit mihi, quali quali, Euangelij tamen administro cessandum. Christus unicus magister electorū, faciat utriusq; curam & operā Ecclē się suæ fructuosam. In quo bene uale, & hoc quicquid est studij mei erga te, boni consule. Argentorati, XVI. Calend. Ianuarias.

Martinus Bucerus
tuis ex animo.



RELIGIONIS, ET BONAE ERV/
DITIONIS STUDIOSO,
N. fratri percharo.



RATIA & pax mi N. fra/
ter obseruande. Meas ad
te literas non peruenis/
se dolet, non minus uero
quod nec tuæ ad me. Nul/
las enim omnino accepi. Gratias uero
agimus Domino nostro Iesu Christo,
qui in se suos unit, quod tuum animū
in studio ueræ unitatis hætenus ser/
uat, hæcꝑ modestia, ut nos etiam, qui
nobis probe conscī sumus, quā parū
spīritu ualemus, inter eos numeres,
quibus fidei tuæ rationem non neges,
imo offeras, atqꝑ te non modo non ru/
pturū uinculū charitatis, si in uno aut
altero dogmate nō consentiamus, reci/
pias, sed ne nos id faciamus, horteris.

Hunc utrisqꝑ animū conseruet Deus
pacis & concordia, nam eodem animo
hætenus fuimus in omnes, qui nobis
scum Dominū nostrū Iesum Christū;

A ij

EPIST. MARTINI BVGERI

unum in se credentiū seruatorē agnos-
cunt. Obsecramus ergo te per hunc no-
strum unicum sospitatorē, qui est pax
nostra, dum inuicem tibi nostræ quo-
que fidei, ad tua, rationem reddimus.
non uelis aliud tibi persuadere de no-
bis, quā qui nihil prius in hac uita, sci-
entes quidem & prudentes, ducamus,
atq; nostrum ministerium approbare
huic ipsi capiti nostro Iesu Christo, si-
cut in alijs, ita & in Pædobaptismo.

Sententia tua hisce cōtinetur parti-
bus. Pædobaptismus nō est institutus à
Christo, nec obseruatus ab Apostolis.
Est baptismatis Christi abusus & uio-
latio. Seminariū desolationis, ac om̃is
confusionis. Qui dum in usu est, non
putas unquam futurum, ut Ecclesiæ
status integretur.

Ista nobis sic uidentur habere, ut si li-
queat de primo huius uestræ sententiæ
capite uos recte sentire, nimirū pædo-
baptismum non esse institutum à Chri-
sto, de reliquis nō sit dubitandi locus.

Nam

DE BAPTIS. PARVVLORVM

Nam si non est à Christo institutus, cuius spiritu uiuit, agitq; ecclesia, Apostoli, ut apostoli Christi, eum non poterunt usurpare. Siq; non est à spiritu Christi, cōsequens est, ut sit ab eius aduersario, eoq; & baptismatis Christi uiolatio, cuius scilicet loco falso obtrudatur, & desolationis atq; cōfusionis, cū alijs inuentis Satanæ, pro sua portione seminarium, nec potest ecclesiæ status, dum tanti sacramenti obtinet uiolatio, ritè ac plene interpolari.

Iam mi frater nouit tua charitas, quæ Paulus præcipit i. Cor. vii, De cœlibatu & impari coniugio. xi, De uelandis mulieribus in sacro cœtu. xiiij, De ordine prophetandi, rationeq; loquendi linguis, Dominum nominatim nusquam præcepisse, id quod Apostolus de impari coniugio, & uirginibus ingenue ac diserte fatetur, se tamen præcipere ista ex mēte Christi, & eius esse præcepta neminē uoluit dubitare. Qui ergo ea obseruabat, nō potuit dici, ob-

A iij

EPÍST. MARTINI BV CERI

seruare quæ Christus nō instituisse, & si non instituerit hæc noiātim. Iam fac esse, qđ hæc Pauli ep̃la nobis nō extet, num dabis spiritū Christi in te, & quis alio fido Ecc̃liæ ministro, si res poscat, eadē præcepturū? De scriptura ueteris instrumēti Paulus testat̃, qđ erudit ad salutem, & instituit ad om̃e opus bonū ij. Tim. iij. At qđ sunt in sequētibus scripturis Dei placita expressa, quæ in hac nemo legit noiātim uel attacta? Scripsit Pau. Corinthijs se reliqua ordinaturū cū uenisset. Quæ illa? ubi uel sensu appēsa, nō dico uerbis adnumerata?

Quorū uero hæc? dices: Ut uideas quibus inducti scripturis credamus ex spiritu Christi usurpari in Ecclesia pleraq̃, quæ neq̃ in Apostolicis quidē literis sunt suo noiē exposita. At quæ inquires, tandem isto nobis titulo, esse Christi, sed ἀγᾶφα, obtrudes? Promissæ quæcūq̃ in usu sunt, ut qui Papæ regnū defendunt? Absit. Quæ sic sunt, ut cum his, quæ scriptura expressit, congruāt,

DE BAPTIS: PARVVLORVM

gruant, quæ in se momentū habent, ut Ecclesiā instaurent, hoc est, fidem promoueant atq; dilectionē. Huiusmodi uero nobis sunt, quæcunq; non oppugnant fidem atq; dilectionē. Sic nanq; nos credimus Deum suā nobis uoluntatē locuplete in scripturis explicasse, tamq; eam ad cōuincendos q̄sq; errores idoneā esse, ut nihil omīno mali sit; qd nō facile deprehendas, si modo animum aduertas, nō solum in scripturis nō contineri, sed etiā cum ea plane pugnare. Verbū Dñi, Erudit scriptura ad salutē, idonea est ad docendū, ad arguendum, ad corrigendū, ad instituum in iustitia, ut homo Dei pfectus sit, ad omne opus bonū instructus. Hic locus, cū cōsentaneis ipsi, id demū est, quo fides nra nitit, quo psuasus sumus, nihil esse prorsus uel boni, uel mali, qd id esse ex scriptura nō euincas, etiā si in ea expressum nō sit, ut certe omīa oīm tam bona q̄ mala opera exprimi nō possunt, nec debent, cū infinita sint.

A iiii

EPIST. MARTINI BVGERI

Proinde nos nihil omnino ex nuper in olitis abusibus ideo reiecimus, quod nihil sit de eo in scripturis nominatim cautum, sed quia ea omnia, cum ijs quæ in scripturis expressa sunt, etiam aperte pugnarent, id quod necesse fuit in omnibus illis suppositiis ceremonijs apparere, uel ex eo, quod non essent profectæ à spiritu sancto: Qui non est mecum, contra me est. Illud, Omnis plantatio quam pater meus non plantauit, Christus dixit de hominibus, qui cum non sint nati ex Deo, pereunt: quicquid eis facias, semperque bonis offenduntur. Illud, Ne addas aliquid, neque detrahas his, quæ ego precipio tibi, ad sensum & uim preceptorum, actionumque referendum, non ad expressam mentionem, uel administrationem in uerbis, alioqui Christus ipse legi Dei adiecisset, & detraxisset, qui instituit ceremonias, quæ in Mose non sunt traditæ, & remisit, quæ Mose nominatim præcepit.

Hoc ergo uobis concedimus bapti/
sma

DE BAPTIS. PARVVLORVM

isma infantium, non esse inter ἑγγεαφα
Christi instituta, at inter ἀγγεαφα nume
randū certo credimus. Existimo uero
uos inuicem, dare omnino pleracq; Chri
sti ἀγγεαφα esse. Vnum em̄ Christus prę
ceptum nominatim dedit, dilectionis,
in quo continetur, quicquid nobis uel
priuatim, uel publice agendū. Paulus
nōnulla postea explicuit, sed nō om̄ia
Si ergo datis esse Christi instituta, que
nullibi in scripturis expressa uerbotim
habentur, nam etiam uestra, quę il
lic ad id, ut ordine & recte omnia ge
rantur in Ecclesia, Christi instituta
sunt, siquidem uos Christi estis, uiden
dum, si conueniat de ratione ac nota,
qua cognoscendum sit, quid inter hæc,
quę in usu sunt Christianorū, Christi
sit, quid Antichristi. Nobis, ut dixi, di
scerniculum horum in eos itum est, esse
ihs quę scriptura exprimit consentane
um, uel dissentaneum: Omne uerum,
uero consonat, & ex uero, nil nisi uerū.
Verbū quo isthuc credimus, adduxi,

A v

EPIST. MARTINI BVCERI

Status ar/
gumenta/
tionis.

Scripturas Dei esse idoneas ad docen/
dū, πρὸς ἑλεγχος καὶ λ. De hoc si cōuenit,
dispiciendū, si ijs, quæ in scripturis ex/
pressa sunt, pædobaptismus repugnet,
an consentiat. Hic uidetur nobis con/
trouersix status. Nam si pugnare pro/
baueris, uicisti: si ego congruere, stabit
à me ueritas. Iam quia quid cuiq; rei cō/
ueniat, cum quibus ea cōgruat, uel dis/
fideat: nō aliunde q̃ ex eius rei ingenio
& natura cognosci potest certo, tu re/
cte à definitiōe baptismi orsus es. Ve/
rum nō ignoras, q̃ nō sit in promptu ue/
ram cuiusq; rei definitionē dare. Cer/
te si tua uera sit baptismatis definitio,
stabunt quæcunq; pædobaptismati tri/
buis, nec em̃ fuerit baptisma Christi.

Sed attende mi Frater, sicuti nos præ/
mones, nec ubi ab analogia fidei rece/
damus, ne uel iudiciū præcipitemus, aut
affectibus locum cōcedamus. Quæ no/
stra sunt, sæpe hoc nobis chariora red/
duntur, quo magis ab alijs oppugnan/
tur. Nemo se satis exuerit.

Sed

Sed ad rem. In uera definitione nostri mi frater, primū genus, deinde differentia uestigandā. Inquiramus ergo, quo in genere rerum ponendum sit baptisma. Augustinus, & cum hoc tota Ecclesia, illud ponit in genere signorum, uel actionum symbolicarū, quibus diuina nobis beneuolentia cōmendatur. Huic nos assentimur. Verbum Dei, quo hic ad sensus noster nititur, est. Paulus Coloss. ij. Baptisma & circumcisionem, adeo eiusdem generis facit, ut dicat, nos per baptismum circumcisos. Iam circumcisio signum fœderis uocatur, ab ipso Deo, Genesis xvij. Fœdus uero erat, promissio, qua Deus promittebat Abraham, se futurū illi, & semini eius, Deum, hoc est, seruato rem, ac uitæ æternæ largitorem. Id enim est in hac promissione. Vnde ex ea Dominus probauit Abraham, Isaac, & Iacob æternę uitę esse participes, ac ideo resurrecturos. Per fœdus, uel testamentū recte intelligi diuine bene

EPIST. MARTINI BV CERI

Ego sum
deus tuus,
eternæ ui-
tæ promif-
sionē in se
habet.

uolentiæ promissionē, liquet ex Gal.
iij. ubi promissiones & *συνθήκη* facta
Abrahæ, pro eodē accipiūtur. Liquet
igitur baptisma esse signū promissio-
nis diuinę beneuolētię, quia ut circūci-
sio est signum fœderis. Quod & ex eo
intelligit, qđ baptisma in Paulo sym-
bolū est renouationis nostrę, quę utiq;
ex gratuita Dei electione, & merito
Christi cōstat. Nemo seipsum gignit,
multo minus regignit, cum illud sit fie-
ri hominē, hoc deum. Ex his uidemur
nobis habere genus baptismatis. Nūc
quæramus differentias.

Quo dif-
fert bapti-
sma a sym-
bolis uete-
rum.

Habuerunt ueteres sua sacra symbo-
la, habemus nos nostra. Deus siquidē
agit nobiscum pro ingenio, quō fin-
xit. Ex hoc solemus semper promissis
grauioribus adiungere symbola, idem te-
stantia oculis, quod ingerunt uerba au-
ribus. Vnde sacramenta D. Augusti-
no uocantur uerba uisibilia. Habent si-
quidem apud nos huiusmodi symbola
aliquod momentum, ea quę promit-
tuntur

DE BAPTIS. PARVVLORVM

tuntur augendi & confirmandi, ita ut in nuptiarum, & omnium solenniorū promissionū atq; pactiōum contractu fieri uideamus. Differētia ergo, qua baptisma nostrum separatur a symbolis ueteris populi, est, quod in baptismo redēptio Christi exprimitur, quę in sacramētis ueterum tantū adumbrabat. Istud abunde patet. A baptismo quo Ioannes baptizauit nostrum differt, qđ in hoc diuinitas Christi & redēptiōis nostrę mysteriū plenius adhuc explicatur, quā in baptismo Ioannis, cetera idē baptisma est, nam & Ioannes palam in Christū baptizabat, eiq; baptismo populū iniciabat, docēs eos, ut in hunc crederent. Act. xix.

A sacramētis euangelicis seiūgitur, eo quod symbolū est regenerationis, ac primę in Christum insitionis, quo cōmendatur nobis, & confirmatur, deum iam nos inter suos habiturū. Id em sibi uult, quod baptizamus in nomen Christi, uel patris, & fili, & spūs sancti. Hoc

Quo baptisma nostrū differt a baptismo Ioannis.

Quo differt baptisma a reliquis sacramētis noui testamenti.

EPIST. MARTINI EVGERII

¶ Si. Hoc siquidem quid sit aliud? q̄ nos
consecrari Deo, ut eius super nos no-
men inuocetur, ut Dei filij cognomine-
mur, & simus? Id em̄ ualet *ἐἰς τὸ ὄνομα,*
ἡμῶν *ἡγ*. Impositio manuū, adaptatio
est ad certū in Ecclesia munus sanctē
obeundum, uel Spūs sancti ad eiusmo-
di functionem collatio. Id quod est eo-
rum qui iam regeneriti sunt. Vnctio olei,
exhibitio amplioris uirtutis spiritus, si-
ue ad sanitatem, siue item ad peculiare
in Ecclesia ministeriū. Adflatus Chri-
sti post resurrectionem, donatio spiri-
tus sancti ad administrandam remissi-
onem peccatorum. Eucharistia, com-
municatio corporis & sanguinis Chri-
sti, q̄bus in uitā aeternā alimur. Ita ma-
net baptismati propria, et ultima diffe-
rētia, q̄d est prima in Christū iniciatio:
nā cetera om̄ia sunt iam regeneratōrū.
Est ergo baptisma nostrū, baptisma
Christi, q̄d Eccl̄ia usurpare debet, sym-
bolū acceptationis nostræ apud Deū,
quo primo nobis ex Dei beneuolentia
in Christo iam reuelato, uerbis & tin-

DE BAPTIS. PARVVLORVM

ctione in aqua, offertur & exhibet, nostri per spiritum sanctum regeneratio, atque innovatio, hoc est, quo patri, fil. & spui scio primu cōsecramur & adoptamur.

Huic definitiōi existimamus cōgruere, imo inesse, quęcunq; de baptismo scripturę prędicāt. Rom. vi. dicimur baptizati in mortē Chri, cōsepulti per baptisma in mortē. Quid hoc aliud? q̄ insitio in Chrm, ut eius in nobis mors, pctm extinguat, uita, nouā & ad dei uoluntatē cōformatum hoīem fingat & pferat. Id uero nunquid donū Dei? In i. Cor. xij. In uno spiritu baptizati dicimur in unum corpus. Cuius uero hoc nisi Dei opus? Gal. iij. Omnes filij Dei estis per fidē in Chro: q̄tquot em baptizati estis, Chrm induti estis. At quis induit? Ad Eph. v. ut sanctificaret eā, mūdātā lauacro aque in uerbo. Quis mūdāt? qs sanctificat? Ad Tit. iij. Secundū misericordiā suā seruauit nos, per lauacrū regenerationis & renouationis spūs sancti. Quis seruat, regenerat, renouat in spū? Acto. xxij. Surge

EPIST. MARTINI BVCERI

frater, baptizare & ablue te peccatis tuis. Quis est qui abluuit peccata?

Itaq; sicut in om̃ibus alijs sacramentis, cum priscis, tum nostris, sic in baptismo uidemus praeipuum esse id, qd per Ecclesiam suam pollicetur, donat, exhibetq; Deus. Non nostris, sed Dei pmissis adhibent̃ ista symbola, inuisibilis gratiae, sunt uisibilia signa, his habetur fides. Qui adferebant Domino leu suos infantes, quid petebant? nūquid ut Dñs eis bene precaret̃? Impositio igitur manuum, quo Dñs signo illis suam benedictionē exhibebat, nunquid symbolum erat eius, quod donabat Christus? Quid enim facerent infantes? In baptismo non dicit is qui baptizatur: Ego me baptizo, testificans, me mihi moriturum, sed ecclesia per ministrum dicit, hac enim potestātē habet peccata remittendi, Ego baptizo te. Nec dicit, Baptizote in hoc, ut tu tibi moriaris, sed in nomen P. & fi. & sp. s. ut sis iam in fide, curaq; & nomine dei, filius

In sacramē
tis id prae-
cipuum est
quod nobis
donat Do-
minus.

DE BAPTIS. PARVVLORVM

filius eius. Graci, Baptizetur seruus Christi. A quo quæso? Nonne à Christo? In Eucharistia: Accipite, manducate, hoc est corpus meum. Non, Ego accipio & manduco in testimoniū, qđ eropanis Christi, unus panis cum sanctis. Nec accipite, manducate, ut sitis unus panis, &c. sed quod traditur pro uobis, funditur pro uobis in remissionem peccatorum. Noui testamenti, Quid uero nouum testamentū? Scribam legem meam in cordibus illorū. Iirmiah. xxxi. Sed quid opus uerbis? Christus noster seruator est, non nos ipsi, nostra salus eo constat, quod hic peccata nostra expiat, & in nobis extinguit, uitamq; nouā uiuit. Fide hæc percipimus, sed hanc quoq; scimus Domini gratuitum donum esse. Istuc tenere, est uitam æternā possidere. Hoc itaq; Euangelium, uerbum audibile, hoc sacramenta uerba uisibilia nobis prædicant, representāt, exhibent. Sed iam de infantibus, de baptismo in se

B

EPIST. MARTINI BVCERI.

sint satis quæ memorauimus.

Ex nostra definitione baptismatis, scripturis quas adduximus comprobata, nos liquere existimamus, baptismum debere haberi commendationē, & exhibitionem redemptionis Christi, qua Ecclesia, freta promissione Domini, Christo homines primum consecrat, & peccata illis remittit. Iam si credimus Christo, ueri filij Abrahamæ sumus, & pertinet ad nos quod illud, Ero deus tuus, & deus seminis tui. In mille siquidem generationes bonus est studiosis sui. Exod. xx. Cum itaque Deus se, & nostrum, & liberorum nostrorum, futurum Deum, i. seruatorem promissit, idque promiscue, sine exceptione, Ecclesia ista promissione confisa, non minus testari debet se ei habere fidem, & offerentium Domino liberos pronuntiare in fide dei fore, & benedictionis Christi esse participes, quam id fecerunt ueteres, obliuantes suos infantes signo fœderis diuini, quod in adultis erat signa

Comunio
Christi est
paruulorum
regitur & Ba
ptisma.

DE BAPTIS. PARVVLORVM

signaculū fidei præcedentis, Rom. iiii.
in infātib. subsecuturæ, ut ait D. Aug.
li. 2. cōtra Donat. de baptismo ca. 22.

Christus Dominus certe secutus est
hoc suum institutum. Apportabantur
ei infantes, regniq; cœlorū illis cōmu-
nīo ambiebatur. Repellebāt illos disci-
puli. Quāobrē? Mirū, si nō ideo, quod
infantes nihil dum sentirent de myste-
rio Chri. At quid Chrius? Indignatus
est isti præposteræ prudētīæ & studio.
Adduci infantes iussit, & arceri uetu-
it, taliū esse regnū dei pronunciauit, &
adeo nihil ad hoc cōferre, quod iam ra-
tionis usu ualent adulti, ut oportere di-
ceret hos ipsos abnegatis omnibus, fie-
ri sicut infantes. i. qui solo ipsius benefi-
cionitanti, si debeāt regni dei uere fieri
participes. Accepit puerulos in ulnas,
impositisq; manib. bñdixit. Quid uero
obsecro hæc erat benedictio? Quid pro
illis oratio? Quid aliud tandem? quàm
redemptionis, quam humano generi
perficiebat, communicatio, sine qua

Christus
paruos
recepit.

B n

EPIST. MARTINI BVCERI

nihil non est noxium: nihil nō maledi-
ctioni subiectum:

Sed offendit, Non sunt omnes par-
uuli ad uitam electi. Nec omnes adulti.
Vt igitur de adultis sequimur hāc pro-
missionem: Quicumq; inuocauerit no-
men Domini, saluus erit. nec mora-
mur, quod multi inuocant falso, ita cur
non satis sit, & hęc de infantibus no-
stris: Ero Deus tuus, & Deus seminis
tui, ut infantes omniū qui Dei esse vo-
lunt: & hinc, freti hac promissione, in-
fantes suos Ecclesię offerunt, id est,
Christo apportant, Christo consecre-
mus: Nostrum nō est nisi Dei promissio
niti, Ministri Christi sumus, cumq;
signamus adultos, non uolumus tamē
quenquā signare, nisi ut Christi mini-
stri, ac ideo si is uere inuocat. Si quem
em falso inuocare constaret, eum haud
quaquā tingeremus. Ita tingentes in-
fantes, uolumus tantum promissionis
filios tingere. Promissio sine exceptio-
ne delata est om̃ibus, qui Dei sunt. Qui
uero

Ecclesię
est promissio
sa dei sequi,
non electio
nem, nō sen-
tum cordis.

DE BAPTIS. PARVVLORVM

uero Dei sint, nobis non nisi ex ipsorū,
aut eorum, in quorum potestate sunt,
confessione iudicandum.

Deus olim populum uoluit habere,
qui in ueritate suus esset populus, & ni
hilominus iussit promiscue omniū in
fantes signari signo redemptionis, Ita
Christus ipse nihil discernens, quicun
que offerebātur infantes benedicebat.
Deo itaq; cum uisum sit ita suo populo
gratiā suam offerre à puero, & discre
tionem que per nos fiat, differre, donec
quis Ecclesiam de peccato admonen
tem, nolit audire, quid uolumus esse sa
pientiores, deq; puritate Ecclesiæ plus
soliciti, ipso deo. Non est temere, quod
infantibus benedictio Christi ab eo tū,
quod in terris fuit Dei populus, pa
lām, & solenniter offertur. Ipse si ante
mundi constitutionē nos eligit, certe
statim in utero apud se sanctificat, &
ab utero segregat ad id, ad quod unū
quemq; destinauit. Plus refert gloriæ
Dei, ut predicetur redemptio Christi,

Deus pro
miscue suos
rum infan
tes sanctifi
cari sem
per uoluit;

EPIST. MARTINI BV CERE

in nobis perficientis omnia, quàm nos-
ter conatus, uel pollicitatio de poen-
tentia. Tota salus, opus Christi. Vtinã
educando, docendo, & monendo erga
adolescentes & adultos, impigri & pru-
dentes essemus, indubie, quod exem-
plo Christi, iuxtaque promissionem
Dei, & mandatã ueteribus obseruatio-
nem, infantes nostros promiscue Ec-
clesiæ cooptamus, nihil incōmodaretur.

Porro sunt, qui dum uident se urge-
ri instituto Dei in populo ueteri, conā-
tur populum illum nihil nisi carnem
ipsam facere, ut inde conuincant, nobis
eos non esse uel hic uel alibi imitabiles.
Tu autem mi frater, credis utiq; episto-
læ ad Hebræos, imo omni scripturæ, q̃
ueteribus eam fidem tribuit, qua &
nos uiuimus, Illi olea naturalis, cui nos
ex oleastro desumpti, insiti sumus; V-
nus succus, una pinguedo. Roma. xi.
Illi tantum pueri magis, nos conuenie-
bat esse spiritu adultiores. Quo itaque
gratia facta per Christũ, exaltato eo,
& ad

Discrimen
ueteris &
noui populi
ut

DE BAPTIS: PARVVLORVM

& ad uniuersos iā homines reuelato, coepit patere latius, quā antea, hoc magis nobis cōuenit, quā ueteribus, communionem fœderis diuini infantibus populi Dei solenni sacramento impartire. Et non solum imitandi nobis hac in re ueteres sunt, sed etiā aliquo modo superandi, ita ut populus Dei nunc plene adultę ætati Christi accessit propius, & in possessione gratiæ se ipsum superauit. Antea enim ceu puer adhuc erat, à plene adulta ætate Christi remotior, etsi ne tum quidem nisi in Christo, & per Christū, populus Dei. Hinc & puellas baptizamus, & recens natos, cū illi tantū mares, & octauo die circūciderent. De hac amplificatione græ, nō à carnali ad spūalem, sed à minus spiritali ad plus spūalem, ac eundem populū, legis passim apud omnes Patres. Habes nūc & quo nitamur, infantibus nostris baptisma impertiētes.

Sic enim colligimus. Baptisma nostrum est prima cōmunionis Chri ob

B iij

EPIST. MARTINI BVCERI

Demonstra
tio bapti/
smatis par/
uos.

latio, exhibendum ergo, quibus hæc de
betur cōmunio. Hanc debemus, ex pa
cto Dei & iussu ad Abraham ædito, tū
etiam ædicto, & exemplo Christi, so
lenni sacramēto oblati ipsi infantibus
impartire, igitur baptizādi. Item, Ba
ptisma sepelitio est in mortē Christi,
si cui igitur hoc sacramentum Ecclesia
negat, testat̃ eum non esse mortis Chri
sti participem. Id nephas est sentire de
nostris infantibus, qui sancti sunt, &
promissionem habent, Ero deus semī
nis tui, Ergo tingēdi in nomē Christi.

Preterea, Christus dñs noster eorum
demum peccata remitti pronunciat,
quorum Ecclesia peccata remittit, nisi
ergo & infantibus, qui Christo offerū
tur, peccatū in quo nati sunt, Ecclesia
remittat, nō est quod id remissum illis
spem certam habeamus. Quæ caussa et
D. Augustino, et reliquis sanctis patri
bus fuit, ut eos infantes, qui non essent
abluti baptismo, expertes salutis iu
dicarint. Non quod illi unquā putarint
salutem

DE BAPTIS. PARVVLORVM

salutem alterius, q̄ Christi esse opus,
aut ulli externæ rei affixam, sed existi-
marunt ex promissionibus seruatoris,
de hominum salute censendum. Id q̄d
pleriq; hodie parum obseruantes, san-
ctissimis Patribus luculentam faciunt
iniuriam, reiçientes eos, ut qui uolue-
rint externis actionibus & symbolis,
per se, inesse uim peccata purgandi, cū
illī hanc spiritui sancto nunquā non di-
sertè adscribant, sed operanti in Eccle-
sia, per uerba sua, & sacramenta, ita ut
promisit. Nec adesse ilico hanc uim spi-
ritus sancti, simulac externa illa, quo-
cunq; demum pacto adhiberentur, nec
spiritum sanctum non posse sine his in-
animis sanctificationē efficere, uspiam
doi ueruit. Vnde uulgatū illud in scho-
lis fuit, Deus non alligauit gratiam su-
am sacramentis. Ex eo nos etiam noli-
mus cuiquam autores esse, animum de-
spondendi de infantibus suis, qui non-
dum in Dñm tincti decedunt, si modo
Ecclesiæ ministeriū is non contemnat.

B v

EPIST. MARTINI BV CERI

At quia nunc Christopalam regnate, administratio remissionis peccatorum, in Ecclesia dei debet multo plenior esse, & patere, quam apud ueteres latius, non dubitauerimus, grauiter peccare eos, qui infantes suos Ecclesiae offerre, & huius ministerio illis purgationem per sacrum baptismum, petere, negligunt.

Postremo cum Dominus amandaret discipulos suos ad predicandum Euangelium omni creature, ad docendum omnes gentes Matth. & Marci ult. precepit eis ut quicumque Euangelium recepissent, baptizarent, & ita in foedus suum reciperent, populo dei incorporarent, oleum infererent. Hic rogabimus, an Apostoli ex hoc Dei iussu debuerint tantam diuinam gratiam communionem impartire Gentibus, quam antea Deus impartiri uoluerat Ebreis. Non poteris inficiari quin adhuc ampliorem. Christus si quidem in se ex utroque populo unum facit, & qui baptizati sunt in Christo, ita iam Christum induerunt, ut per eum uere filii Abrahæ sint, ac ideo omnium eorum quæcumque

huius

huic patri fideiū gentiū, unq̄ promissū
 fa sunt, hoc amplius q̄ ueteres partici-
 pes quo adultiore spū donant. Iam A-
 brahæ pmissum est, Ero & Deus semi-
 nis tui, idē tam certo, ut sacramēto fœ-
 deris solēniter semen eius Deo conse-
 crari debuerit. Ergo cum Chrs Gentes
 baptisate sanctificari iussit, & ita di-
 uinē illis græ fœdus offerre, idē nō mi-
 nus plenē, q̄ olim, imo amplius, dubita-
 ri nō potest, eū iussisse baptizare, & ba-
 ptizatorū infātes. Ac ita hic ipse locus
 quē adeo urgetis, errorē uestrū p̄cipue
 euertit. Iussit Dñs gentes docere & ba-
 ptizare. Recte, igit nemo baptizādus
 nisi antea doctus: unde p̄batur hec ex-
 clusio. Hoc aut̄ consequi necesse est, cū
 Dñs baptizare iussit q̄ Euāgelij doctri-
 nam recipiūt, hoc est, oīm promissionū
 Abrahæ facere participes, uoluisse, ut
 & horū infantes, i fœdus suū tingerēt.
 Nā nisi hoc uoluit, nō est gentibus tm̄
 baptisate collatū, q̄ tū Iudæis olim cir-
 cūcisione, q̄d est impiū dicere, nec etiā

maiores baptismo Ch̄ro, uere & plenè inferi possunt, nisi simul in communionē huius fœderis admissio & illorū semine. Stat em̄ uerbū hoc cōiunctim; Ero Deus tuus. & Deus semi. tui. Nec potest pmissio de salute adultorū uerā esse, si nō simul teneat & promissio de salute infantiū, qui sunt horū semē. Cū igitur Ch̄us salutis cōmunionē gentibus baptismo offerre iussit, & iussit offerre totam, assumitq̃ eas ita ut antea assumpti fuerant Iudæi, utiq̃ & in gentibus minores cū maioribus, omne scilicet sanctorū semen assumere præcepit. Qui autem uere horum semen sint .i. semen promissionis, noluit, ut diximus, in infantia discernere.

Contra hæc illa prorsus nihil ualēt, quæ de figura spiritualium infantium, spiritualis circumcisionis, quidam ex suo capite, sine ulla scripturarum autoritate, & contra expressam omnium Patrum doctrinā, de hoc exemplo circumcisionis, cōminiscuntur. Clara promissio.

DE BAPTIS. PARVVLORVM

sio, certum factum, fœdus plenū, uerba diserta: Ero Deus tuus, & Deus seminis tui, hoc est, seruator. Quod ita in figura contigit illis, ut nos non dubitaremus, ista nō minus ad nos gentes, quàm ad Iudæos pertinere, cū quibus eundem habemus Deum, eundē mediatorē, idē baptisma, eundem cibum & potum spiritualement. Locus em̄ quo nituntur isti, est i. Cor. x. Omnia in figura illis cōtigerunt. Scribit siquē Apostolus, Quæ ueteri populo acciderunt, nobis typos, & figuras esse, ut inde discamus quas illi pœnas impietatis dederunt, & nos daturos esse, si eandē impietate admiserimus, quia illi pariter baptizati sunt, eandem escam, eundemq; potum spiritualement biberūt, atq; ideo æque populus Dei fuerunt, atque nos; proinde cū illis non pepercerit Deus, necq; nobis parsurum. Vide ipse, & excute hunc locum. Quàm uero nunc egregia prædicatio diuinę per Christū factę gratiæ Gentibus, æquatos fateri

EPIST. MARTINI BVCERI

nos ueteribus in eo, ut non minus Deus
nos puniat, si uiuamus impie, quàm ue-
teres, id quod ita simpliciter tatendū
est, nisi disertis Apostoli uerbis uelis
contradicere, & nolle fateri, æquatos
nos etiam in beneficijs, ut æque infan-
tes nostros in fœdus Dei solenniter ac-
cipi debeant, atq; solebāt in populo pri-
sco. Sed quid opus uerbis, Paulus hoc
ipso loco, & nusquā nō, nos cum ueteri-
bus eundem Dei populum facit, & re
ipsa sacra eadē utrisq; tribuit, Et illi qui
hic Ecclesię Christi contradicere in ani-
mum induxerūt, nescio quibus figura-
tionibus, nunc ueteribus nihil quàm li-
teram & carnem relinquunt, nunc no-
bis gratię amplitudinem adstringunt,
& semen nostrum fœdere Dei, quantū
in ipsis est, excludunt. Portenderunt
quidem, & adumbrarunt in populo ue-
teri omnia Christum, & quę Christus
in nobis gerit, ex eo autem nequaquā
colligere licet, uel illos fuisse sine Chri-
sto, uel

DE BAPTIS. PARVULORVM

sto, uel nos nō debere, uti illi, in fœdus Domini assumere solenni sacramento nostros infantes, cum id tamen & Dominus suo ipse facto, & uerbo tam sanctè præceperit.

Verum dices, facesse infantes quoq; nostros per Ecclesiam debere publicitus, & solenni sacramento sanctificari. Cur autem non satis habetis id fecisse sacramento impositionis manuum, ut Christus? Christus neminem omnino aqua baptizauit, usus igitur est erga infantes hoc sacramento impositionis manuum. At suis uoluit primum gratiæ symbolum esse baptisma, impositionem manuum sequi, ita ut obseruatum ab Apostolis legimus. Est enim Baptismus regenerationis symbolum. Quem ordinem & cum infantibus obseruatum esse, cum ab ipsis Apostolis, tum ab omni hæcenus Ecclesia, nemine unquam contradicente, usque ad hoc hoīm genus, quod adeo impijs &

7
EPIST. MARTINI BVGERI

damnosis dogmatis Euangelium cōcul-
cat, uastat Ecclesias. Non ignoras nos
idoneos testes habere, Originem, Cy-
prianum, Augustinum, & quicquid pa-
trum extat. Habes ex his & quæ sit no-
stra de paruulorum baptismo senten-
tia, & quibus eam consistere arbitra-
mur. Nunc ad tua.

Definitionem tuam non recipimus,
nec putamus ullo modo scripturis con-
formem. Vis baptisma esse tinctionē,
qua mergi tantum credentes cōueniat
in signum quod peccatis mortui, & re-
nouati spiritu, in nouitate uitæ ulterius
ambulare & debeant, & uelint. Et post
paucula. Non significat quod uenturū
est, sed quod actum est, nimirū, quod
qui baptizant, iam plane mortuus pec-
cato, corpus peccati prorsus deponat,
& sepeliat, & seipm resignet. Hæc tua.

Quæ obsecro conferas cum scriptu-
ris, in quibus est uel aliqua baptisma-
tis mentio. Illæ agnoscunt baptisma la-
uacrum regenerationis, non quæ iam
ante

DE BAPTIS. PARVVLORVM

anteperfecta sit, sed accipiatur in Christo, quo peccata abluantur, condonentur, expurgentur per Christum, non quo proficere, te illis iam mortuum, corpus peccati deposuisse, te sepelire & resignare. Quicumque baptizati sumus in Christum Iesum, in mortem eius baptizati sumus, consepulti igitur &c. Vide frater, Baptizamur, non baptizamur: baptizamur in mortem Christi, consepelimur, resuscitamur, uiuificamur: non sepelimus, nos, resurgimus, uitam arripimus. Omnia fiunt nobis, nos nihil facimus. Ipse eligit, assumitque nos, non nos illum. Quid? regeneramur. Ah quid huius nostrum esse potest? Non finximus nos ipsos frater, multo minus refingemus. Christus est, qui seruat populum suum a peccatis suis. Hoc hoc est in Ecclesia predicandum, hoc uerum, hoc firmum est, nos mendacium & uauitas. Quanti nostra quæso pollicitatio, quanti nostra professio? Ne igitur, quod est sacramentum Redemptionis

Baptisma
symbolum
est doni dei
non nostri
conatus.

uauitas

C

·EPIST. MARTINI BV CERI·

domini nostri Iesu Christi, rei certissimæ, doni ἀμεταμέλῃτῃ, faciamus symbolum tantum nostræ pollicitationis, rei o ᾧ nihili, quàm dubiæ. Ecclesia Christi uim & spiritum exhibet, nihil conatus humani. Ipse Dominus lauat nos, & seipso induit.

Sed uideor uidere, quid tibi & alijs hic occasio sit lapsus. Paulus libenter a sacramentis argumenta ducit, quibus inuitet nos, ut digne ambulemus uocatione nostra. Nostri enim restitutio sic est, ut suo tempore & mens nostra uera iudicet, uoluntas & omnes uires, uerū mentis iudicium, pronæ sequantur, ut toti Deum uiuamus, idē non scientes tantū & uolentes, sed etiam summa sollicitudine satagentes. Ex auditu uero, ut fides uenit, ita fidei quoq; profectus. Per nostram plantationē & rigationē Deus plātulas suas prouehere statuit, sed cum ipse adiecerit incrementum. Renatis igitur & habentibus iam spiritum, quo quæ Dei sunt recte percipiuntur,

Quomodo
Apostoli a
sacramētis
exhortatio
nes duxerunt.

DE BAPTIS. PARVVLORVM

tur, Apostolus commendat Dei beneficia, per quæ hæc allicit, ut gratos sese præstent, utque digne uiuant sua uocatione, totis uiribus enitantur. Hoc ita succedit, adspirante suum spiritum Christo, sicut initio, cum ostendebatur, omnia extra Christum mortem esse, in Christo uitam æternam propositam, successit ad id, ut homines Christo crederent.

In Baptismate igitur, cum Christo consecrati & insiti sumus, eo quod à morte in uitam translati, à peccato ad iustitiam, admonet merito huius Paulus, ut agnoscamus non esse nostrum uiuere peccatis, quorum nobis in Christo mortificatio, per baptismum donata est, perficienda tandem etiam in uita nostra, ut nunc apud Deum perfecta est, qui electis peccata non imputat. Ita primo Corinthiorum xij. ad concordiam inde hortatur, quod in unum corpus baptizati sumus. Ab Eucharistia, in qua est communio Christi, docet primo Corinthiorum x. fugiendam communionem

C ij

dæmoniorum in idolis. Interim autem Gal. iij. ex eo quod in baptismo Christum induti sumus, probat etiam nos per Christum filios Abrahamæ. Ephe. v. Christum esse caput nostrum, sponsum Ecclesiæ, qui eam sanctificat & mūdāt per baptismum. Tit. iij. Nos nullis nostris meritis, sed gratia seruatos per Christum, lauacro regenerationis. Paulo conuerso, credenti, & iam habenti cunctorum remissionem peccatorum, dicebatur: Surge, baptizare, & abluere peccatis tuis. Tanti est Christo per Ecclesiam peccata remitti.

Vide nunc qualis sit ratio tua, Paulus dicit non posse Christianis competere, ut in peccatis uiuant, qui sint per baptismum consepulti Christo, ac ita peccato mortui, sed horum esset toto se peccatore meditationi nouę uitæ impendere, Ergo nemo debet baptizari, nisi ante peccatum planè mortuus: uel; Est de substantia baptismi, quod significet peccatum iam planè extinctum. Accipe simile,

DE BAPTIS: PARVVLORVM

simile, Est quispiam cura medicī à le/
tali morbo aliquantisper restitutus, &
pulchrè reualescit, mortis periculo, si
medico dicto audiens sit, planè libera/
tus, ut dicere liceat eū reuixisse, huic
ualetudinem teneram adhuc male cu/
ranti, & quasi ultro morbum reuocāti
dicit amicus. Vide cum te medico cō/
mitteremus, uelut in mortem, & exi/
tiū morbi sepultus es, ut deinceps pro/
spera ualetudine utereris, qui potes igitur
opera medicī tibi redditus, morbū
q̄si ultro repetere, & nō fugere potius
q̄cunq; illum ualēt reuocare, totumq;
te sanitati plene recuperandæ addice/
re? Ex his iam huius amici uerbis si qs
ita uelit colligerè: Committere se me/
dico, est sepeliri in exitium morbi, ut
quis sanus deinde uiuat, ergo nemo de/
bet medico committi, nisi sentiat iam
in se, & profiteatur morbum extinctū,
sanitatemq; penitus restitutam. Quis
non adferat helleborum sic colligēt?

At uide ipse mi Frater, an non tua

C in

EPIST. MARTINI BVCERI

quoque ratio sic habeat: Paulus hortatur intelligentes ad quid baptizati sint, nempe, ut Christus in eis omne peccatum extinguat, nouamq; & Dei uitam uiuat, ad quod se illi Christo totis debent uiribus accommodare, uti iam diximus. Hinc tu sic colligis: Baptismus est in mortem peccati sepelictio, ut iustitiæ deinde uiuamus, imo Christus uiuat in nobis, Ergo qui non iam confectam in se omnem iniquitatem, & uitam Dei planè uigere experitur, & de se confitetur, is non debet in Christum baptizari: hoc est, Christo medico committi, ut peccatum quod in eo adhuc seuit per illius spiritum extinguatur, & iustitia, cuius is adhuc expers est, excitetur. Studium istuc frater peccatum in nobis extinguendi, & iustitiam Dei meditandi, quod spiritus Christi in ijs, qui Christo insiti sunt, suo tempore operatur, huiusque studij professio, non est ipsa restitutio & refectio nostri, sed effectus, & fructus huius nostrae

strire,

DE BAPTIS: PARVVLORVM

stri restitutionis & refictionis. Qui quidem fructus in om̃ibus renatis suo tempore, si hic uiuant, sese explicat, & protert, haud quaquam tamen est ipsa nostri regeneratio, aut etiā huic re ipsa necessario coniunctus. Nisi uelis infantes, in quibus per ætatem id studiū locū nondū habet, semel omnes satanæ addicere, & Deum, qui promisit se horum quoq; Deū, i. seruatorē fore, tum & Chr̃m, qui hos bñdictiōis suę, q̃ nihil aliud q̃ mortis peccati, nouēq; uitæ impertitio eē potest, uerbo, & factoparticipes p̃nunciauit, arguere mendaciū. Iam Baptismus, regeneratiōis, nō fructus, et effectus regnatiōis, symbolū ē.

Quid? An non & circuncisōs olim Prophetæ eisdem uerbis quibus baptizatos Paulus, appellarint? & ad meditantam cordis circuncisionem inuitarint? Nam & circūcisio, depositio corporis peccati erat. Coloss. secundo. Q̃ impie autem colligere eum Prophetæ iudicassent, qui hinc, ut tu mi

C iij

EPIST. MARTINI BVCERI

frater in tempore amplificatæ gratiæ
facis, collegisset. Quî circuncili sunt,
corpus peccati deposuerunt, ergo cum
infantes proprio studio peccati corpus
nec deponant, nec deposituros se profi
teri queant, non sunt circuncidendi.
Nec ob id tantum, impium huiusmodi
argumentum Prophetæ iudicassent,
quîa contra erat expressum Dei præce
ptum, sed etiam quod id ipsius naturæ
fœderis Domini & circuncisionis inge
nio ex diametro aduersetur. Nam nec
olim circuncisione, nec modo bapti
smate ita in Dei fœdus uenimus, ut qui
iam peccato prorsus purgati, & iustitia
planè simus præditi, sed ut Dñs præ
stans se nostrum Deum, continuo suo
in nobis spiritu, innatam peruersitatē
expurget, & iustitia pollere faciat. Et
enim dum hic uiuimus, semper morti
ficationi membrorum, quę super terrā
sunt, & legis quę in mēbris nostris ad
uersatur, legi Dei abolitioni studen
dum. Deinde cum Deus ipse nos in re
stitutioe

stitutione nostri preueniat, & omnem nostram operam anteuertat, hancq; restitutionem etiam in infantibus ordiatur, cum amplitudine diuinæ beneuolentiæ, & ratione fœderis saluifici, qđ utiq; haud minus in baptismo offertur, quàm olim in circūcisione, nec minus quàm olim late patet, omnino pugnat, adfirmare, ad primam initiationem in hoc fœdus, quæ in baptismo fit, necessarium esse cum iustitiæ professione, peccatum iam esse plane confectum, & iustitiam prorsus obtinere.

Proinde si Baptisma in se ipso consideramus, ut est symbolū regenerationis, atq; ob id exhibendū omnibus, quibus hanc legimus promissam, uelimus nolimus, fateri oportet, id quod tu ut proprium baptismati in eius definitione posuisti, seipsum peccati mortificationi, & nouæ uitę meditationi addicere; aut, iam peccatis plane mortuū, solidæq; iustitiæ compotem esse, accidēs Baptismati esse, non proprium. Vt em̃

EPIST. MARTINI BVCERI

in adultis, & animus, & professio oēm
innatam prauitatē extinguendi, & ad
Dei uoluntatem uitam omnem confor
mandi, ad baptisma requirūt; uerōq; ba
ptismati deesse non potest, haud tamen
oportet, hæc adesse renatis oñibus, &
in baptisate quorūlibet. Atqui bapti
smus lauacrum regenerationis est, in
uniuersum, non ex parte, omnium qui
huius Christi bñficio compotes sunt,
non aliquorum.

Et illud, peccatis iam planè mortuū
esse, de quo D. Paulus aliquoties loqui
tur, non nisi per Christum contingit,
qui pro nobis patri ita satisfecit, ut ille
nobis peccata nō imputet, tum nouam
quoq; uitā ipse in nobis instituit. Id si/
cut nullo nostro nobis merito, nulla itē
opera, sed solo suo merito, suo spīritu,
præstat, ita perinde ei est, præstare hoc
infantibus atque adultis, ijs sanè, quos
pater destinauit huic sorti; ut confor
mes imaginī primogeniti euadant.

Nam quod in adultis mens ista credit,
& cu

& cupit, ac inde suo studio sectatur, donum & opus Christi est, efficientis in nobis, uelle & operari. Nec ideo à Christo alieni infantes sunt, quod i eis ista, pro ætate scilicet, nondum operatur. Seruat quod perijt, & in Adam perijt, sed unumquodque suo ordine, suo modo. Nos Ecclesiæ ministerio consecrare ei debemus, & qui id ipsi Dominũ confessi petũt, & horũ infantes. Id ipse ita præcepit & initio fœderis sacri, & cum per Christum id ad Gentes quoque erat proferendum, iam innouatum.

Ex his itaq; locis, quod baptismus in mortem Christi sepelitis, Christiꝝ est induitio, tam non euinces infantibus baptismum Christi conferri non debere, quàm nullis unquam scripturis probaueris, Christum non etiam infantes eripere ex morte, quam inuexit orbi Adam primus. Cunque infantibus sibi oblati ipse suam benedictionem promiscue impertiuit, & discrete pronunciauit talium esse regnũ celo-

EPIST. MARTINI BVCERI

rum, ita ut olim promiscue omnes in fœ-
 dus Domini recipiebantur, dicere Chri-
 stianus non potest, signū baptismatis
 in infantibus eorum, qui illos Christo
 offerunt, esse ociosum. Neque sic coire
 necesse est Ecclesie ministeriū, & opus
 Christi in animo operantis, ut nullus
 omnino tingi debeat, nisi certum sit il-
 lum spūs Christi compotem esse, nam
 alioqui ne adultos quidē baptizare li-
 ceret, cum quid Dñs in illorū agat cor-
 dibus, cerni à nobis haud possit.

Patres pro te adducis, & ibi, ubi ad
 adultos uerba faciūt, meritoq; eorū ad-
 monēt, quæ sacramētis ut offeruntur,
 ita etiam significant, quibus sanè omi-
 bus eorum uolūtas, qui illis adulti par-
 ticipant, congruere debet. Porro ex his
 inferri non posse, infantes non esse tin-
 gendos, eo quod istam uoluntatē non-
 dum habent, sancti Patres ipsi satis te-
 stantur, qui non solum à baptismo in-
 fantes nunquam reiecerunt, sed etiam
 commendatam ab Apostolis hanc ob-
 serua-

Quid pa-
 tres de ba-
 ptismate
 paruulorū.

DE BAPTIS. PARVVLORVM

seruationem, diserte confirmant Origines in vi. caput ad Rom. ita scripsit. Pro hoc & Ecclesia ab Apostolis tradi- Origenes.
tionem suscepit: etiam paruulis baptis-
mum dare. Sciebant enim illi, quibus
mysteriorum secreta commissa sunt di-
uinorum, quia essent in omnibus genui- gemmae
nos sordes peccati, quæ per aquam, & spi-
ritum ablui deberent. Hæc ille.

Aug. de baptismo contra Donatistas,
lib. iij. cap. xxiij. & xxiiij.

Sic autem in latrone quia per neces-
sitatem corporaliter baptismus defuit,
perfecta salus est, quia per pietatem spi-
ritualiter adfuit, sic & cum ipsa præsto
est, si per necessitatē desit, quod latro- Augustinus
ni adfuit, perficitur salus. Quod tradi-
tum tenet uniuerſitas Ecclesiæ, cū par-
uuli infantes baptizant, qui certe non-
dum possunt corde credere ad iustitiā,
& ore confiteri ad salutem, quod latro
potuit, qui etiam flendo & uagiendo,
cum in eis mysterium celebratur, ipsis
mysticis uocibus obstrepunt, & tamen

nullus Christianorum dixerit eos inaniter baptizari. Et si quisquā in hac re auctoritatem diuinam quærat, (quam quod uniuersa tenet Ecclesia, nec concilijs institutum, sed semper retentum est, non nisi auctoritate Apostolica traditum rectissime creditur) tamē ueraciter conijcere possumus, quid ualeat in paruulis baptismi sacramentum, ex circumcisione carnis, quā prior populus accepit, quam priusquam acciperet, iustificatus est Abrahā. Sic Cornelius etiam dono spiritus sancti priusquam baptizaretur ditatus est. Dicit tamen Apostolus de ipso Abrahā, signum accepit circumcisionis, signaculum fidei iustitiæ, qui iam corde crediderat ei, deputatum illi erat ad iustitiam. Cur ergo ei præceptum est, ut omnem deinceps infantem masculum octauo die circumcideret, qui nondum poterat corde credere, ut ei deputaretur ad iustitiam, nisi quia & ipsum, per se ipsum sacramentum multum ualebat.

Quod

DE BAPTIS. PARVVLORVM

Quod in filio Moyſi per angelũ mani- Exod. 41
 feſtatum eſt, qui cum adhuc incircum-
 ciſus à matre ferretur, præſenti, & euĩ-
 denti periculo, ut circuncideretur ex-
 actum eſt, & cum factum eſſet, depulſa
 eſt pernicies. Sicut ergo in Abraham
 præceſſit fidei iuſtitia, & acceſſit cir-
 cuncilio ſignaculum iuſtitiaẽ fidei, ita
 in Cornelio præceſſit ſanctificatio ſpi-
 ritualis in dono ſpiritus ſancti, & ac-
 ceſſit ſacramentum regenerationis in
 lauacro baptiſmi. Et ſicut in Iſaac, qui Gene. 21
 octauo ſuæ natiuitatis die circunciuſus
 eſt, præceſſit ſignaculum iuſtitiaẽ fidei:
 & quoniam patris fidem imitatus eſt,
 ſecuta eſt increſcente ipſa iuſtitia, cu-
 ius ſignaculum in infante præceſſerat,
 ita & in baptizatis infantibus præce-
 dit regenerationis ſacramentum, & ſi
 Chriſtianam tenuerint pietatem, ſe-
 quitur etiam in corde conuerſio, cuius
 myſterium præceſſit in corpore. Hæc
 ille.

EPIST. MARTINI BVCERI

Cyprianus

Cum his ipse nosti, quicquid nobis Patrum extat consentire, adeoq̃ omnes censere baptismo infantibus Dei fauorem, communionem Christi, spiritum sanctum Ecclesiæ ministerio conferri, iussu, & institutione Christi, ut D. Cyprianus, tam uetustus martyr, in concilio illo in quo Fidi præbyteri sententiã, qui putabat decere ut infantes octauo demum die baptizarentur, ita ut olim administrata fuit circūcisio, cum collegis LXVI. excussit, ita scripserit. Quantum uero ad causam infantium pertinet, quos dixisti intra secundum, uel tertium diem quo nati sunt constitutos baptizari non oportere, & considerandam legem esse circumcisionis antiquæ, ut intra octauum diem, eum qui natus est, baptizandum, & sanctificandum non putares, longe aliud in Concilio nostro omnibus uisum est. In hoc enim quod tu putabas esse faciendum, nemo consensit, sed uniuersi potius iudicauimus nulli hominum nato misericordiam

DE BAPTIS. PARVVLORVM

cordiam Dei, & gratiā denegandam.
 Nam cum Dominus in Evangelio fluo
 dicat: Filius hominis nō uenit animas Lucæ 9.
 hominum perdere, sed saluare, quantū
 in nobis est, si fieri potest, nulla anima
 perdenda est. Quid enim ei deest, qui
 semel in utero, Dei manibus formatus
 est? Nobis enim atq; oculis nostris se/
 cundum dierum seculariū cursum acci/
 pere, qui nati sunt, incrementum uidē/
 tur. Ceterum quæcunq; a Deo fiunt,
 Dei factoris maiestate & opere perfe/
 cta sunt, &c. Hæc ille. Atqui nō igno/
 ras quo tempore D. Cyprianus florue/
 rit. Eusebius memorat eum martyrio
 coronatum Anno Christi C C L I X.
 Hoc ergo tempore, eo loci Pædobapti/
 sma in Ecclesia habitum est, ut quantū
 huius ad nos attinere potest, ij perdere
 animas infantium crederentur, qui ba/
 ptisma illis negassent. Proinde de te ho/
 mine erudito, &, ut te tua epistola exhi/
 bet, candido, qui Patres legisti, admo/
 dum miror, qui in mentem inducas,

D

EPIST. MARTINI BVCERI

Patrū testimonia pro te adducere contra Baptisma paruulorū. Extant quidem aliquot sanctorū Patrū orationes ad catechumenos, ut enim quotidie aliqui ex Gentibus cōuertebant, ita semper aderāt eis in solennioribus illis baptismi administratiōibus, adulti, quos tingerent. Ad quos cum uerba facerent, recte cum Apostolo Paulo eorū uoluntatem & studiū ad ea quæ in Baptismate offerebantur, nempe mortificationem peccati, & institutionem nouæ uitæ, uerbo Dei excitare operam derunt. At nec ista uoluntas, nec studium seruat, sed Christus, & huius beneficii, non nostri studiū, symbolum atq; oblatio est baptisma. Est enim lauacrū regeneratiōis. Nihil ergo hinc detrahi potest infantibus. Id, ut omnes Patres testantur, uniuersitas Ecclesiæ ab Aplis usq; ita credidit, ita obseruauit, ita prædicauit: omnino ergo indignū te facis, quum simplicioribus Patrum testimonia contra pædobaptisma obijcis, quos nostri

DE BAPTIS. PARVVLORVM

nosti cum tota Ecclesia impium iudicasse, si quis infantes arcendos baptismate docuisset.

Dolet autē plurimū, tibi parum firmū uideri illud, quod Origenes, cum quo tota Ecclesia consentit, scribit, baptismate ablui in infantibus peccatum originale, maxime cū is dicat istud abluī per aquam & spiritum, non aquam solum. Baptismate si nō abluuntur peccata, cur dicebat Ananias Paulo, surge frater, & baptizare, & abluē peccata tua? Quomodo scribit Paulus, Christum baptismate sanctificare & mūdare Ecclesiam suā? Non debes, mi frater, cū de Sacramentis Christi loquimur, nudum respicere elementū, nec solum ministeriū hoīm, baptisma Christi dicitur & est, Et nobis non secundum arcanum electionis, sed eas notas quæ in promissionibus Dei continentur, & a nobis cognosci possunt, iudicandū est, saluo semper Deo iure electionis suæ Sanctificetur nomen tuum, in omībus

D ij

EPIST. MARTINI BVGERI

uotis primū est. Paulus istuc secutus, scribit Galatis, Christum induistis, quicumq; baptizati estis. Et potuit fieri, ut plerique illic baptizati essent, qui nihil minus quam Christū induerint unquam. Mirum enim si ager Domini, non & illic suas habuerit zizanias. Sed his non erat baptisma institutum, nec his uolebat Ecclesia illud communicare, & si suum ordinem secuta, tales tinxerit, uel quia Christū confiterentur, uel quia a confitentibus offerrentur. Nam de utrisq; extat promissio, ut dictum.

Multis istuc oculos præstringit, qđ uident scripturam, ubicunq; de sacramentis loquitur, tribuere illis, ad quod instituta sunt, esse ea nimirum, reales exhibitiones cōmunionis Christi, & interim cernunt multis sacramenta impartiri, qui nihil Christi recipiunt. His depelleret hanc nebulam, si perpendere, sic omnino Domino de sacramentis suis loquendum fuisse, ut & ipse ea instituit,

DE BAPTIS: PARVVLORVM

instituit, & ab Ecclesia sua uult usurpa-
 ri, etiam si eam ipse ignorare uoluerit, *uoluerit*
 multos quoque obrepere hædos, quibus
 nulla ipsius communio unquam obtin-
 git. Satis Ecclesiæ esse uoluit, si suum
 uerbum & promissionem, pro ipsius
 cognitione sequatur. Eoque prædixit
 oportere sic fieri, ut zizanijs ager su-
 us nunquam careat. Mentium secreta
 tecta nobis esse statuit, & tamē per nos
 salutem omnibus offerri poscit, ita ut
 probi agricolæ est, omnibus arboribus
 curam suā impendere, etiam si satis sci-
 at, haud omnes fructuū prouentu ope-
 ræ suæ responsuras. Excindere arborē
 tum demū debet, cum spem usque fru-
 stratur, & tamen abunde & impensum
 curæ est, & temporis, ut fructum rede-
 dat, indultum.

Concludis: Porro si istuc uerum est,
 Quod Baptismus significare debet, eū
 qui baptizatur, mortuū peccato, sepe-
 liri in Baptismo, & resurgere in nouita-
 tem uitæ, nō putamus obscurum esse,

EPIST. MARTINI BVCHERI

quibus conueniat baptis̃mus, & qui baptizari possint & debeant. Frater, quis neget, baptis̃mum hęc significare, cum Paulus id scripserit: At existimo, dabis tu in uicem, eum demum peccato mortuū & nouæ uitæ compotē censerī posse, quē suscepit Christus, ut peccatum in eo extinguat, & nouā, ac cœlestem uitam excitet. Iam non minus suscipit innouandos infantes, q̃ adultos. Nos cum nosse certo non possumus, nec debemus, quos ex utroq; genere refingendos suscipiat, sequimur ut dictū, ea iudicia, q̃ in promissiōibus Dñi, q̃s de utrisq; dedit, sunt, idēq; pro ea cognitione, quā ipse nobis concedit. Tu ex eo semper *παρελογίζεαι*, qđ hoīm professionē, pro morte peccati, & uitæ nouitate usurpas, cum illa neq; hęc sit, neq; his semper ad sit. Vnde hęc tua ratio est *παρελογισμὸς παρὰ τὸ συνβεβηκός*. Diximus, & iterum dicimus, mori peccato, sepeliri cū Ch̃ro, & resurgere in uitæ nouitatē, opus Ch̃ri est, non ñrm. Et licet, ex hoc suo tempore nascatur,

iudicia

DE BAPTIS: PARVVLORVM

nos ista eligere, profiteri, pro uiribus persequi, hæc ipsa tamen omnia, idem in nobis Christus efficit, adeo totos unus seruat, ac restituit Chrus, in nobis oia præueniens, incipiens, atq; perficiens.

Haud itaque consequitur, quod hic præterea infer, Manifestum hinc esse, tinctionem infantium, neque bonum, neque malum scientium, & qui nedum uixerint peccato, nedum mortui sint, non esse Baptismum Christianum.

Vbique istuc tibi oculos præstringit, quod nostri restitutionem, ac perditionem, esse cum nostra scientia coniunctam opinaris. Non est ita, mi frater.

Filij ire ac peccatores, nascimur, etiam nihil huius adhuc intelligentes, ita per Chrm restitui mur adulti q; ut omne huius in nobis cognitione ipse antevertat. Quis enim dat ut uerbo Dei credamus? imo quis initio nobis uerbum mittit? quis terram cordis nri huic percipiendopreparat? quis cum illud recepimus, in fructum multiplicat? Nunquid oia efficit, præstatq; unus Christus?

D III

EPIST. MARTINI BVCERI

Hostes Pe
de baptis
mum male
sentiant de
peccato ori
ginali.

Porro in eo nobis nimium displices, quod ita loqui uideris, quasi uero non agnosceres, nos omnes in mortē & peccatum nasci. Ergo non uiuunt peccato infantes, quia nec bonum, nec malum, adhuc norunt. Nemo miser & perditus, nisi qui id agnoscit. Quid queso in nobis non est peccato perditum, simul atq; esse incipimus. Certe in Adam omnes morimur. Iam quāta obsecro contumelia Christo est, negare illum restituere ex peccato & morte, qui id nondū sentiant, & profiteantur. Sic error errorem trahit, ita ulciscitur Dominus Ecclesiæ suæ contemptum, & proprii ingenii confidentiam.

Subiicis, Mergi utiq; possunt infantes, dici etiā potest, in nomen patris, & filij, & spiritus sancti. Sed hoc nō est Baptismus Christianus, Siquidem Christianus Baptismus est, qui sentitur, & in quo *ὁ βαπτίζων* uos satanę & mūdo renūciat, fidem confitetur, & se prorsus in Deum, in cuius nomen baptizatur, resignat.

resignat. Recte tu quidem istuc. Siquidem Christianus baptismus est, in quo *ὁ βαπτίζων* vos Satane & mundo renunciat, &c. si tantum adiecisses per se. In adulatorū em baptismate ista adesse debent, sicut in adulatorū circūcisione aderant. Quia autem Deus etiam infantes regnare potest, & uult, baptismatq̃ dedit, ut circuncisionem, symbolum regenerationis, certum est, ista, satanæ & mūdo renunciare, fidemq̃ profiteri, per se Baptismati Christiano nō inesse. Possunt ergo infantes, Christi baptismate tingi, etiam si nihil huius adhuc facere queant.

Illud uero miror, quod concedis tamen, ut infantes tingamus, & in nomē patris, & filiī, & spiritus sancti. Nūquid est aliud Baptismus Chri? Certe Matthei ultimo plura non legis. Scio, haud concedes nos debere illudere Deo. Iam cū tingimus infantes, & tingimus cum inuocatione noī Dei, ipsiq̃ eos sic consecramus, atq̃ in eius familiam co-

optamus, id si non impie facimus, ex Christo facimus, ipseque proinde nostros infantes, ita ut ipsi eos offerimus, uere renouandos suscipit, completque oia ^{in eis} quicquid est baptismatis sui. Dixit enim: Quorum remiseritis peccata, remittentur eis. Quicquid animarum nobis credit, nostraeque curae permittit, his per nos sui communionem impartire uoluit. Vide igitur ipse, cum permittis nos infantibus nostris ea oia impendere, quibus Christus suum baptismum nobis definiuit & tradidit, nempe ut tingamus eos, & tingamus in nomen patris, & filii, & spiritus. an non concedas simul, ut eos baptizemus? Etenim cum quibus baptismatis sunt, infantibus largiris omnia, baptismum qui

Addis: Atque ad hunc modum (neges? Baptismum usurpasse Apostolos scripta illorum testantur, similiter & primitiuam Ecclesiam obseruasse, multis argumentis probabile fuerit. Primitiuam Ecclesiam pro indubitato habuisse, Apostolos tradidisse hoc, ut par-

DE BAPTIS. PARVVLORVM

uulos baptizemus, testantur Patres, quod ipse nosti. Agnouerunt baptis-
mate regenerationem offerri, & hanc
infantibus nostris quoque ut diuinitus
promissam, ita per Ecclesiam exhibe-
ri debere, & suo exhiberi sacramento.
Apostoli & maiorū gentium Patres,
baptizarunt adultos, fateor, ab his eīn
ordiendū fuit, & tempore Patrū cum
tantum ubiq; superesset gentiliū, nūq̃
defuerunt, qui uocati diuinitus, Chri-
sto Domino nomen dare uellent. Ergo
solos tinxerūt adultos, & nullos infan-
tes? Istuc ubi legis, uel de Apl's, uel
Patribus? Diuersum certe in primiti-
ua Ecclesia & hactenus obseruatū, idq̃
secundū Dei uerbū non ignoras testari
cum sanctis martyribus ac confessorī-
bus Christi, orthodoxos, Patres omnes.
Cum ergo tū sic colligis, Apostoli, &
primitiua Ecclesia leguntur tinxisse,
qui ipsi nomen Dei inuocabant, & Sa-
tanæ renunciabant, Ergo nullos ba-
ptizarunt, nisi qui ipsi inuocarunt no-

EPIST. MARTINI BV CERI

men Domini, & satanæ renunciarunt; eoꝓ à baptismo infantē reiecerunt, Paralogismus est, ab eo qđ secundum quid est, ad id, qđ est simpliciter. Quā uero urget D. Augustinus hac obseruatione Pelagianos, qui negabāt infantē peccato originali teneri, qui utiqꝓ, si non tota tum Ecclesia baptizandos infantē credidisset, quā facile dicere potuissent. Obijcis nobis abusum Baptismatis, non uerum usum. Sed hoc dicere non audebant, eoꝓ ad id commenticonfugiebant, baptizari eos, non quidem ut originali peccato purgarentur, quod nō haberent, hic em̄ eorum error erat, sed ut nouæ uitæ participes fierēt.

Baptismus
pro mortuis.

Verum dicitis: Concedimus in primitiua Ecclesia circa baptismum plerisque abusus fuisse, ut ille quoꝓ erat, qđ baptizabantur aliqui pro mortuis. Nō oportebat igitur illi tribuere, quod falsum esse nō potes dubitare, nempe primitiuam Ecclesiam ac Patres solos fidei professos, credidisse baptizandos
& ba

DE BAPTIS. PARVVLORVM

& baptizare consueuisse. Deinde quē
hic locus Pauli, Quid faciunt, qui ba-
ptizantur pro mortuis, sensum habe-
at, ego non ausim pronūciare, quid em̄
isti fecerint, quorum Paulus hic iudi-
cium pro stabilienda resurrectione ad-
ducit, quem nusq̄ uideo argumenta ab
abusibus duxisse, aut errantiū praeiudi-
cio pro autoritate obiecisse, mihi nō li-
quet. D. Chrysosto. memorato insano
ritu Marcionitarū, interpretat̄ istud,
pro mortuis, pro mortuis corporibus,
quod scilicet in baptismo inter cetera
Chrīanę religionis dogmata, Ecclesia
etiā resurrectionē mortuorum. i. cor-
porum confitetur. Sed fuerit hic abu-
sus, ut diuo Ambrosio uisum, abusum
Patres agnouerūt, & damnarut, adeo-
que in usum Ecclesię nō uenit, adeo ut
nesciamus quidnam fuerit, nisi forte
hoc, quod Chrysostomus memorat de
Marcionitis. At Pædobaptisma prædi-
cant Ecclesiam accepisse ex traditione
Apostolorū, ac semper, & uniuersam

prae-
iudiciū

eoque

EPIST: MARTINI BV CERI

aliqui retinuisse, nō aliquo duntaxat tēpore, aut aliqui, qbus forsan error hic temere irrepsisset, uniuerſa, inquit, Aug. hoc tenet Ecclesia, ut nullus Christianorū dixerit infantes inaniter baptizari.

Sequitur in tua epistola: Pręterea qđ peruersum & prępoſterū dicimus Pædobaptiſmum, ratio eſt, In baptiſmo, qui baptizatur, debet per cognitionē Ieſu Chriſti, ab inquinamentis huius mundi fugiſſe, quod utiq; nemo præſtare poteſt, qui nō antea quid fugiendū, quidue ſequendum ſit, fuerit edoctus. Igitur prępoſterū eſſe dicimus, baptizare, qui nondum ſit catechiſatus. Primum eſſe debet, ut diſcamus uoluntatem Dei, deinde bonę conſcientiæ ſtipulatione baptizari, & conſecrari Deo poſſumus. Atque hic debet ueri baptiſmi eſſe uſus, qui pædobaptiſmo penitus obſcuratus, & ſepultus eſt. Hęc tua. Vt hæres in eodem luto, ut perpetuo accipis, quod probandū erat. Quin ædiſ ſcripturam, quod omnis qui baptizatur

ptizatur, debeat per cognitionem Domini Iesu ab inquinamētis huius mūdi tum fugisse. Aut qđ istis nemo queat per Dominum nostrum Iesum eripi nisi sciat iam, quid fugiendum, quid uic sequendū. Vt ex cidis frater ab adoratione Christi unici nostri seruatoris, ad admirationem nostrorū operum. Concludis: Igitur præposterū esse dicimus baptizare, qui nondū sit catechizatus. Quid est charissime frater *παραλογίζεαι παρὰ τὸ ἐν ἀρχῇ λαμβάνειν*, si hoc non est. Obsecro sustine Deo hanc gloriam dare, ut sit etiam seminis nostri seruator. Insiti sumus oleæ, ex oleastro, eiusdēq; pinguedinis facti participes. Vnde Dñs sicut ueteribus, ita & nobis, hoc præstat, ut cū noster, tum nostrorū Deus, i. seruator esse dignetur. Reuelet tibi Deus hoc mysterium, quod in alijs generationibus, nō est filijs hominum ita proditum, ut nunc est reuelatū sanctis Apostolis domini et prophetis per spiritū, esse *τὰ ἔθνη συγγέληρόνομα, καὶ σου*

ΕΠΙΣΤ. ΜΑΡΤΙΝΙ ΒΥΒΕΡΙ

σωμα, καὶ συμμετοχα promissionis eius
in Christo per Euangelium. Tum etiam
in hac promissione, Ero Deus tuus,
uitæ æternæ participationē ac ideo
ueram in Christo communionem, per
Ecclesiam palam exhibendam, contineri.
Ista si noueris, nunquam dices, ne
minem baptizari debere, qui nō sit ante
ea ab homine Dei uoluntatem doctus.
Nec id quod in baptismo adultorum
recte obseruatur, in uniuersum baptismati
propriū facies, inferēs ab eo quod
est, πᾶν, καὶ μὴ ἀπλῶς, τὸ ἀπλῶς.

Reclamat

Reddit uero admodum sollicitū me,
mi frater, cum hic locus epistolæ tuæ,
tum quædam superius per te adducta.
Facis baptismi eorum qui ab inquinamento
mundi iam fugerunt, peccatis
penitus mortui sunt, uiuunt iustitiæ.
Nam rem baptismi uis præsentem, &
plenam adesse. Si ista, ita ut D. Paulus,
loqueris, respiciens ad Christum,
in quo iam ista perfecta nobis sunt, ei
dum insiti sumus, etiam si in nobis adhuc
huc

DE BAPTIS. PARVVLORVM

huc caro aduersus spiritũ pugnet, bene
habet, sicq̃ libenter tua interpretaue/
ro. Verum cum cogito in quos incide/
rinterrores, qui initio infantium bap-
tisma conuellere annisi sunt, quædã sub-
it animum meum de te anxietas. Ex il-
lis sanè minime pauci huc furoris eru-
perunt, ut dicerent se esse absq̃ om̃i pec-
cato, & illud: Remitte nobis debita no-
stra, in oratione Dominica ad se non
pertinere, hanc præcandi formã præ-
scriptam Apostolis, nondum spiritu
sancto perfectis, se consепultos Chri-
sto per baptismum in mortẽ, iam qui mor-
tuus est, eum esse à peccato uiuificatũ,
natum ex Deo, eoq̃ peccare non posse,
crucifixissẽ carnem suam cum morbis
& concupiscentiis. Neq̃ enim intel-
ligere sustinent, ista in uno Christo,
cui insiti & incorporati sumus, re ipsa
completa esse, & nobis ex diuina be-
neuolentiã imputari, donec & in no-
bis compleantur. Quod tum fit, cũ cor-
ruptibile hoc nostrum corpus induerit

Primi hos-
tes Pædo-
baptismi, ti-
xerunt se
abiq̃ue pec-
cato esse.

E

·EPIST· MARTINI BV·CERI·

incorruptibilitatem, interea spū Chrī
sti adiutitiam sic agimur, ut peccatis
nos addicere, & pleno animo peccare
non possimus, obstante semine Dei qđ
in nobis est i. Ioan. iij. Sed qui peccati
penitus purus sit, & in peccatum nunq̃
labatur, in hac uita nemo est.

Frater, Iustitia Christi uiget in Eccle
sia, ab hac qui se subducunt, suam sta
tuere solent, inde fit ut Christū ipsum
damnent, quod peccatores suscipiat,
ipsi iusti, sicut gloriantur se non esse ut
reliqui homines, ita Christo non habēt
opus, nec se unquam ei ut morbidī me
dico permittunt. Istud mali, si iam non
totum tenet, plurimum tamen infestat
eum, quo praeceptore ualde timemus,
hic tuam infide Christi synceritatem,
istud fermenti admisisse. Frater ne pu
tes te unquam satis expensurum, satis
crediturū, certum istum sermonem, &
dignum quem modis omnibus ample
ctamur, quod Christus Iesus uenit in
mundū, ut peccatores saluos faceret.

Post

DE BAPTIS. PARVVLORVM

Post hæc ita scribis, Postremo quod pædobaptismū seminarium desolationis, ac defectiōis Ecclesiæ iudicamus, hæc ratio est. Verum Baptisma uelut ostium fuit Ecclesiæ, quod etiam ueteres testantur: inter quos est Basiliius, Angelomus, & Beda, &c. Nimirum neminem receperunt Apostoli, & ueteres in Ecclesiam, nisi per Baptismū, hoc est, nisi qui sanam fidem confiteretur in Baptismo, diabolo, mundo, & pompis eius renuntiaret. Atq; ita purificatus, sancto cœtui aggregaretur, unde etiam postea si nō perseueraret in sancto præcepto, ut Petrus dicit, commode excommunicari potuit, quia datam in baptismo fidem non liberasset, atq; ita non intrabat in Ecclesiam, neq; recipiebatur, nisi quisque suo periculo. Porro postquam ita promiscue recepti sunt in Ecclesiam infantes, qui nihil scient, factum est ut Baptismus ludibriū factus sit, et perierit scientia Dei de terra, ut iam uix uestigium pure Ecclesiæ

E ñ

in terra appareat. Hæc tua. Hic te ualde oromi frater, cogites, à quonam sit nostri iustificatio & sanctificatio. Nunquid à Christo? Deinde cum Ecclesia ab Apostolis usq; baptizari infantes, dices in hac usq; regnasse impietatem, & nullam unquam fuisse Ecclesiam? Scribis ueteribus Baptismū fuisse ceu ostium Ecclesiæ, Id adhuc est. At nos, ut Deus suo populo, hoc est, nobis, in Abraham promisit, & in Christo confirmauit, agnoscimus ad Ecclesiā sanctorum pertinere & infantes nostros. Talium est regnum Dei, inquit rex huius regni Christus, inq; huius testimonium oblato infantes benedixit, & id cum singularis beneuolentię signo, acceptos in ulnas. Non igitur exclusis his, tantū horum abnegatione sui ipsorum similes, sed cum his, eos duntaxat adultos, qui hac ratione infantibus similes essent, ad regnū Dei pertinere pronunciauit.

Proinde si uerum est quod scribis,
postquā

DE BAPTIS. PARVVLORVM

postquā ita promiscue recepti sunt in Ecclesiam infantes, qui nihil scirent, factum esse, ut Baptismus ludibrium factus sit, & perierit scientia Dei de terra, ut iam uix uestigium puræ Ecclesie in terra appareat, certe Dominus noster Iesus Christus huius tantī mali auctor est, Apostoli, & omnis reliqua Ecclesia exceptū hoc ab ipso malum, per reliquas ætates prouexerunt. Nam promiscue infantes in regnū Dei ipse Dominus suscepit, Apostoli in nomē eius tinxerunt, & tingere docuerunt, idēq; deinde ad hoc usque tempus Ecclesia obseruat. Vide quō ruas.

Sed te per Christum oro, dic quid nā omnino in baptismo paruulorum inest, qd uel tantillum ad hoc facere queat, ut Baptismus sit factus ludibriū, ut scientia Dei perierit de terra, nullum supersit uestigium puræ Ecclesiæ. Baptismo confertur communio Christi infantibus, est id ne tantorum malorū causa. Cur ergo Christus eandem in-

E iij

EPIST. MARTINI BV CERI

fantibus contulit imponendo manus?
Cur non etiam fecit circuncisionē ludi-
brium, & tum quoq; scientiā Dei abo-
leuit ē terra, Ecclesiam disperdidit, qd
circuncidebantur infantes? Cur nō &
Eucharistiā maiores gentiū Christia-
ni ludibrium fecerunt, qui hanc quoq;
infantibus exhibuerunt, ut legis apud
Cyprianū, & Augustinum? Deinde
quid illud adeo inculcas, qui nihil sci-
unt? Nostra ne nos scientia seruat, an
unius Christi?

Sed uidetur tibi si purificati tantum
Ecclesiæ aggregarentur, & quisq; suo
periculo Ecclesiā intraret, possent com-
mode ex cōmunicari, qui in sancto pre-
cepto non præsauerent, eo quod datā
Ecclesiæ fidem in profitendo & renun-
ciando mundo & diabolo, non libera-
rent. Obsecro te, primum considera
quid tibi uelis, per hoc quod scribis Ba-
ptismate ante purificatos sancto cœ-
tui, olim aggregari solitos. Quid dice-
bat igitur Ananias Paulo, Surge fra-
ter &

Purifican-
di non pu-
rificati, ba-
ptizari de-
bent.

DE BAPTIS: PARVVLORVM

ter & ablue peccata tua? Quid Paulus, quod Dominus Ecclesiam mundat la-
uacro aquæ per uerbum? Item, quod
saluos nos faciat per lauacrum regene-
rationis? Frater, à Paulo, & reliquis ca-
nonicis scriptoribus, non ab istis *ἀνθρώποις*
ἀσέβοις, & planè hæreticis, qualí hic ue-
remur preceptore usum te, discere de-
bebas, ad quid sint nobis sacramenta in-
stituta, Christum nobis, ut omne Euā-
gelium, exhibent, huius cōmunio Ba-
ptismate confertur, ut is nos suscipiat,
non antea purificatos, sed suo spiritu
purificandos, idq; per omnē uitam no-
stram. Lauacrum est regenerationis
& innouationis spiritus, cum ergo ni-
hil amplius supererit in nobis uetustas-
tis, nihil carnis, tum demum perfe-
ctum in nobis erit id, quod donatum
est in Baptismate.

Iam quid quæso ex cōmunionem
impedit, quod infantibus Christi com-
munionē ut ipse uoluit impartimur?
Scilicet quia hanc nō sua spōte illi reci-

E. iij

EPIST. MARTINI BVCERI

Exonant
alcant, p
debap
suare non
impeditur.

piunt, nō possunt ea damnari cum adul
ti iam id merentur, & hanc ultro reñci
unt? uel putas iniuriam eis fieri, quod
Christo consecrantur, anteq̃ ipsi apud
se statuere possunt, Christo an diabolo
uelint uiuere? Ita profecto uos subinde
loquimini, ac si uero nostrum sit, Chri
sto nos adijcere si libeat, si minus, dia
bolo, & non simus Christi quanti fir
mus, quia per eum facti sumus. Filij nō
est deliberare an patri suo uelit se mori
ge rum præbere, uel minus, seruulo nō
datur electio, ut Domino suo sit dicto
audiens, uel alij, & nobis scilicet consti
tuendum est, an uelimus nos addicere
Deo, qui nos finxit, uel diabolo ficto
ris nostri aduersario?

Immo Sed potest perfidiæ argui is, qui ipse
fidem professus est, at munpo & Sata
næ renūciauit. Potest. At quid iam ex
hoc amplius apud eum efficias, si is nō
sit natus ex Deo, si Chri spiritu careat?
Non potest autem etiam uerna perfid
iæ argui, si Dominū suum fugiat, aut
sit ei

DE BAPTIS PARVVLORVM

fit ei parum dicto audiens, etiam si ipse
se in seruitutē Domino ~~illū~~ nō addixe-
rit suo arbitratu, sed sit ei seruus natus?
Da pectus renatum, aures audiendi,
hoc plus apud peccantem effeceris, qđ
illū monere potes, hoc ei diuinitus con-
tigisse, ut natus ex sanctis, Christo sit
oblatus, antequam hoc posset sentire.
Sin hoc pectus, & hæ aures defuerunt, *defuerunt*
quicquid pollicitus sit, manebit quod
est, mancipiū, & filiū Satanæ, ex pro-
• bes quæ uelis, & obiurges quibuscun-
que libet.

Vis scire frater, quid fecerit, Bapti-
sma multis haberi ludibrium, quid sci-
entiam Dei in terra imminuerit, Eccle-
siam conspurcarit? Contemptus uerbi
Dei, humanorum commentorum præ-
postera admiratio, præbyterorum,
Ecclesiarum, frigus, & peruersitas,
hæc uerout Dei scientiam, ita etiam sa-
cramentorū uerum usum, Ecclesiæq̃
sinceritatem imminuerunt, nō tamen
sustulerunt penitus. Gratia Domino.

Quid Ecce
siam, & Sa-
cramenta
conspurcā

Prædicemus nos Christum pure & digno zelo, uerâq; spūs prudentia, in loco oēs moneamus, qui Ecclesiā audire non sustinent excōmunicemus, nō temere tamē quēq; reñciamus, totoq; pectore ad promouendā Ecclesiæ unitatem incumbamus, summopere cauentes nobis, à malo hæreseos, & fratrum fastidio, quo olim, & nunc Ecclesiā miserè discerpitur, & uidebimus sciētia Dei inundari terrā uelut mari, sacramenta suo numero haberi, Eccl'ie puritatē enitere, uereq; regnū Christi amplificari.

Nemo Ecclesiam magis contra-
minat, quā
qui hoc fieri
dicunt, Pe-
ccatum baptis-
mo.

Querunt hodie multi Ecclesiā inquinari, & uastari, eo quod p̄miscue oēs infantes tingimus, hi p̄fecto haud aliud faciunt, q̄ si quis domū suam ipse accendat, & postea quærat illam non exstructā ex materia incōbustibili. Christi unius est, sanctos dare homines, huic infantes offerimus, ita ut ipse disertè præcepit. Id scilicet inquinat Ecclesiam, abolet è terra scientiam Dei. Quod aut nobis tantopere placemus,
tam

tam p̄clara opera Dei in fratrib. cōtem-
nimus, qđ a cōmunionē eccl̄ie nos sub-
ducimus, imo nullā uspiam Eccl̄iam
agnoscimus, qđ q̄tidie nouamus, qđ ni-
hil nisi n̄ra nobis arridēt, id porro edifi-
cat Eccl̄iam. O iudiciū p̄posterū, o ni-
mis crassum *παραλόγισμον παρὰ τὸ μὴ αἶν*

Iterum permittistibi scribere. (τιον.
Neminē receperūt Ap̄li, & ueteres in
Ecclesiam nisi per Baptismū, hoc est,
nisi qui suam fidem confiteretur in Ba-
ptismo, diabolo, mūdo, & pompis eius
renunciaret. Apostoli & ueteres nemi-
nem quidē nisi per baptisma receperūt
in Ecclesiam, at Baptisma nemini ab
illis collatum esse, nisi sanam doctrinā
confiteretur, mundo, diabolo & pōpis
eius renūciaret, hoc uero tu ipse falsum
essenosti. Quid igit id toties repetis?
Oro te isthuc amplius ne facias, nosti
em̄ oēm Eccl̄iam ab Ap̄lis usq; indubi-
tatū habuisse, eum in Christū grauiter
peccare, qui a baptisate infantes reie-
cisset. Statis temporibus ueteres bapti

smum administrabāt, aderant semper adulti, qui ex Gentibus Ecclesię accedebant, ad hos cum sermo haberet, quid mirū, si in eo ad rationē, qua illi baptizari debebant, omnia Patres attemperaret? Sic est Basilij oratio, quā adducis, & aliorum Patrū omniū, in quibus de uera baptizandorum fide, de professionis illorum & renunciationis certitudine, aut etiam præcedenti catechismo uerba faciūt. Ex his autem cum simul fateantur Apostolos ipsos, Ecclesię tradidisse, infantes quoq; in Christum baptizandos, quis colligat illos iudicasse, solos confitētes, & renunciantes tingi debere, nisi qui sit impudētissimus? Sic uero cum res habeat, frater, quid illos toties prote adducis?

Bedæ mentionem facis, mirum autē si nō legeris quid ille in hunc locū Marti scripserit. Et ait illi propter hunc sermonem uade: exiit dæmonium de filiā tua. Propter humilem, inquit, matris fidelemq; sermonem filiā deseruit dæmoniu

monium. Vbi datur exemplū catechizandi & baptizandi infantes, quia uidelicet per fidem & confessionē parentum in baptismo liberantur à diabolo paruuli, qui necdum per se sapere, uel aliquid agere boni possunt, aut mali. Hæc ille. In his uero nemo putet hunc uirum Dei salutem liberorum merito adscripsisse parentum, nam nec matris suæ merito hæc, de qua Euāgelista hic memorat, filia, liberata fuit à dæmonio. Deus promisit sanctis suis, Ero & seminis uestri Deus, benefaciā uobis in mille generationes, his qui diligunt me. Huic promissioni cum fidē habent parentes, Deus facit eis, ut credūt, utq; promisit. Ita salutē accipiūt liberi, nō quidē nisi dono Dei, uno Chri merito & opere, sed quæ omnia fidei donentur parentum. Et si parentes nihil credāt, sint hypocritæ, credit Ecclesia, cuius liberi pleniore iure sunt, q̄ parentū. Angelomū nō legi, sed qd̄ uniuersa credit Ecclesia, & semper, atq; ubiq; terra

EPIST. MARTINI BUCERI

rum, nemine unquam id non probante, obseruauit, equidem non dubito & hunc credidisse, atque obseruasse. Tu nunc uide, quam agas synceriter in causa Dei. Patres cum laudas, simpliciores putanteos à te stare, & tu nosti diuersum uerum esse. Non sic, non sic, frater agunt, qui habent causam bonam. Subijcis. Hec mi Bucere, pauca de multis, & candide, & diserte rescribere tibi uolui, non solum ut nostram sententiam scires, etiam ut cum tuis diligenter excuteres, & iudicares. Possem utique locupletius tractasse, sed apud te non arbitrabar esse opus, maxime cum breui nostram, de utroque sacramento confessione, nondum elaboratam, ad uos simus missuri. Rogo te mi Bucere, ut pro gratia quæ data est tibi, omnia ad amussim scripturæ, & analogiam fidei in hac causa diligenter excutias. Pauca tua sunt si numeres, sed dispaream si quicquā possis adducere, quod in his quæ hic obiecisti, non contineatur.

tur.

DE BAPTIS: PARVVLORVM

tur. Tritus sum in hac dimicatione, noui arma uestra. Hæc sunt: Deest mandatum Christi, Is iussit docere, & baptizare: Qui crediderit, & baptizatus fuerit, hunc saluum fore pronunciauit. Apłi, & maiorũ Gentiũ Patres baptizarunt credentes, fidemq; professos. Baptismus est eorum, qui nouitatem uitæ amplexi sunt, Ecclesia confunditur, & inquinatur hœdis, iam ostendi satis cõfirmate opinor, nobis esse mandatũ Christi, de baptizandis paruulis. Illa uero quæ legimus Matth. & Mar. ultri, adeo nõ excludere infantes a Baptismo, ut hoc ipso iussu Dñi, irrefragabiliter euincat, eos baptizandos esse. Nam cũ in fœdus suũ quicũq; predicatũ Euangelion recepissent, admittere iussit, eo ipso & infantes eorum huius participes fecit, ita ut fœderis huius rationem omnis nobis scriptura exponit. Tum quæ scriptura Baptismo tribuit, omnia in infantibus quoq; nostris locũ habere, Idẽ quod Apostoli, & prisci

sancti, adultos baptizarunt, haudqua-
quā euincere, nullos eos baptizasse in-
fantes, aut non baptizandos censuisse.
Ecclesiam deniq; inquinari non posse,
dum in eam recipiuntur, quos Domi-
nus ipse recipere iussit. Ad hæc extare
testes idoneos ac locupletes, ab Apo-
stolis Ecclesiam hanc obseruationem
accepisse, semperq; hactenus religiose,
& salubriter obseruasse.

Vnus superest locus D. Petri, quem
obijcere soletis. Quod & nos antity-
pon, seruat, baptisma, nō carnis depo-
sitio sordium, sed conscientię bonæ in-
terrogatio erga Deum. Hinc colligi-
tis interrogationem bonę conscientię,
in qua & responsio & professio intelli-
gatur, non esse infantium, ergo nec ba-
ptisma. Supra aut̃ diximus, Ap̃los, &
Patres quando de Baptismate uerba fe-
cerunt, ubiq; ad adultos, quę in adulto-
rum Baptismate gerebant̃ & expone-
bantur, libenter memorasse. Ex his em̃
clarior & efficacior duci cum doctrina,
tum ad

2. Petri 3.

DE BAPTIS. PARVVLORVM

tum admonitio potuit. Nam in adultorum baptismo maiore omnia solennitate gerebatur, & plenius totū hoc mysteriū explicabatur. Cum itaq; D. Petrus scriberet ad eos, qui omnes in adultæ tate baptisma recepissent, cœperat eñ tum primū hoies Ch̃o baptismo initiari, q̃ cōuenisset, nō hac ratione Baptismi meminisse, q̃ illi, quibuscū agebat, baptizati erant. Hinc aut̃ qui cōsequitur, nō esse Christi baptisma, ubi q̃ baptizatur, nō interrogatur, & ipse respondet. Aut, Ap̃los, eos solos qui possent interrogari, & respondere, ac ideo nullos infantes, tinxisse. Et hic ergo, ut alibi, ab eo quod secundū quid est, infertis id, quod simpliciter est. Nec ullū a quoquā uestrū argumētū unquā uel audiui, uel legi, quo nō admodū manifeste & crasse paralogizetis. Crede siquidē mihi frater, quod petis ut tua excutiam, feci pridē, & nunc iterum, & feci perquā diligenter: nec tua solū, sed & quæ alij toto hoc octennio excogita-

F

EPIST. MARTINI BVCERI.

runt, quæ is à quo te cū hic esses ueremur seductū, summo studio congerit & inculcat, eadem identidem recinens, & uerbis quibus potes mutans. Ea em̃ est mendaciæ natura, ut dum nihil habet, in quo uere consistat, nusquā nō tentet pedem figere. Tu mi frater, nostra quoq; excutere digneris, sitq; suspectum tibi, quod hic ab om̃ibus sanctis dissentis, idq; adeo friuolis inductus commenticulis, planeq; puerilibus paralogismis, & sentis cum infelici omnium hæreticorum huius tempestatis colluuiæ. Qui cum sint infinitis erroribus conscissi & dissipati, in eo tamen omnes conspirant, ut damnato Baptismate puerorum, primū infantes Christo subducāt, mox etiam adultos, imo adultos primū. Nam Ecclesiæ illos eripiūt, & i opera sua fidere docēt, si recte illorū dogmata excutias. Inde pct̃m originale negant, nostrarū uiriū faciunt, oblatam Christi gratiā amplecti, nosq; si denuo tincti annitamur, eo perue-

DE BAPTIS. PARVVLORVM.

peruenire confirmant, ut nihil amplius peccemus, ita ut ipsi se in nulla omnino peccata incidere iactitant. Sed quid est impietatis, q̄ Satan Ecc̄iam unq̄ infestauit, q̄d isti nō reuocent, & augeant? Hi Christum Deū, alij hoīem, ex D. uirgine nostra carne assumpta, negant. Iudicium futurum, alij penitus tollunt, alij sic mitigant, ut tandem omnes felicitatem consequuturos affirmant. Sūt qui nullam uspiam Ecclesiā agnoscāt, nullos in Domino fratres, dumq̄ futuram Ecclesiam expectant, & expectare docent, se, & alios ab Ecc̄iæ cōmunionē subducūt. Sunt cōtra qui omēs Iudeos, Turcas, & quicquid mortaliū est, fratres, & in Christo haberi uelint. Hi magistratus in Ecc̄iam recipi posse negant, alij nullos alios Ecc̄iē Episcopos agnoscūt. Nec desunt q̄ rescindāt cōnubia, ubi nō est cōsensus furoris, q̄ q̄cunq̄ caro fertur, id licere iactitent, qui cædes ex paterna uoluntate, ut aiunt, admittere sibi permittant. Sed quid? in

In quæ pro
lapti sūt,
qui pades
baptisum
impugnāt.

EPIST. MARTINI BVCERI

finita sunt ista portenta, & quotidie noua erumpunt. Non tenentur quidem singuli omnibus, dixi enim scissos inter se & summe pugnantes. At hæc omnia non nobis proferunt, qui damnant Baptismum paruulorum, huiusque causa, primum Ecclesiae ualedixerunt. Et in eo omnes conspirant, ut quicquid est sanæ doctrinæ, id importunissime infament, conspuant, & conculcent, eiusque ministros portentosis mendacijs & calumnijs proscindant, & inuisos omnibus faciant. Proinde cum uideas quo miseros Satan præcipitaret, qui obseruationem hanc ante te cõuelleret conati sunt, profecto causæ plurimum habes, ut attentissime hac in re tibi caueas. Proinde te per D. nostrum Iesum Christum obtestor, antequam ullam uestram confessionem ædas, expendas oia quam religiosissime. Occurrat & illud tibi, An à uobis sermo Dei profectus est, an in uos solos incidit? i. Cor. xiiij.

Sequitur; Memini me olim in scriptis tuis legere, te nondum inuenire rationem institui

DE BAPTIS: PARVVLORVM

instituendę Ecclesię, opinor si pędoba
ptismi rationem diligenter subducas,
te inuenturũ quid impediat. Equidem,
mi frater, multa uideo incōmoda pędo
baptismi, quę in cōfessione nostra aper
riemus. Fateor dum ex tanto dissidió
in causa religionis, initio multę optime
mentes perplexe tenerentur, Et nobis
se adiungerent, q̃s nihil, quàm uel iugi
papistici molestia, uel studiũ nouãdi,
permouebat, cumq; tantopere à papi
sticis Episcopis Euāgelio resisteretur,
dispicere non potui, quo pacto Ecclesia
restitui, & sancta rite interpolari & cō
munio, & disciplina posset. Quā adhuc
hæretici sic remorant̃, ut nec hodie hac
in re uoti compos factus sim. Et si Dñs
pridem dederit rationē, si obedientia
Euangelij satis obtineret, qua Ecclesię
politia haud infeliciter instaurari pos
set. Hanc nimirũ, quam attigi, si fidem
in Christũ nos, qui uerbi administri su
mus, pure & ardenter prædicaremus,
missis om̃ibus, quę ad rem non perti

F iij

EPIST. MARTINI BVGERI

Quia ratio/
ne possit es
sistat Ecclē
lia.

ment, ex selectioribus sanctis constitui
curaremus presbyteros, qui nobiscum
Ecclesiæ gubernationi operā suam im
penderent, & quicquid ad sanctā pæda
gogiam censuramq̃ pertinet, una insti
tuerent, & administrarent, fraternā ad
monitionē nunquā nō urgeremus, ca
techismos puerorū, & omniū rudiorū
summo studio adhiberemus. Deniq̃,
si tantī referre putamus professionem
publicā, reuocaremus ueterē illū ritū,
de quo legis apud D. Hierony. contra
Luciferianos, ut singuli coram Episco
pis, postquā adoleuissent, & fidem satis
edocti essent, profiterent, & impositis
manibus ab Episcopo, quasi confirma
rētur. His si bona fide incumberemus,
nō dubitarim, haud poenitendam fore
apud nos rempub. Christi. Abolitionē
pædobaptismi, nō tantū huc nihil pro
futuram, sed summe obfuturā, certus
sum in Dño, mi frater. Nō potest siqui
dem hæc non esse contra Christū com
munem nostrū & nostrorū seruatorē.

Rogas

DE BAPTIS: PARVVLORVM

Rogas iterum ne præcipitem iudici-
um, ne uisnam ullum affectū domina-
ri. Vere mi frater, si uspiam alibi, hiciu-
diciū nō præcipitauī, nec concessi af-
fectibus, adeo profecto ut me Dei of-
fensam incurrisse satis sciā, nimia hæc
in re sēcordia, & ergauere hæreticos,
quia ingentem Dei zelum præ se fere-
bant, misericordia. Sed te inuicem ob-
testor, quod me mones, te ipsum mo-
nere nunquam desistas, qui ut iterum
dicam, grauissimis Ecclesiæ hostibus,
in hac causa te, contra uniuersam Dei
Ecclesiā, ab Abraham usq; magno illo
credentium patre, adiungis, idq; argu-
mētis tam nihili, euentu tam infausto.

Pellificem illum Hoffman, hæreti-
cum & sane pestilentem, ualde uellem
& illic, & ubiq; ignotū. Non ut ueteres
illi hæretici cœleste aliqd corpus Chri-
sto affingit, sed ipsum uerbum Dei, in
sua natura factū hominem, nihil ex Di-
ua uirgine assumpto, contendit, sicq;
nec deum uerum, nec hoīem esse relin-

Hoffmanni
cuiusdā pe-
llicis furor

F iij

EPIST. MARTINI BVCERI

quit, Si eū uerbū in sua natura aliud factum est, quā erat, mutatū est, & deus non est, Si ex D. uirgine nihil assumpsit, nō poterit esse fructus uētris eius, eoq; nec lumborū Dauidis, aut semen Abrahamæ, nō igitur is homo, per quem Deus salutē nobis promisit. Si non hic homo, nec alius. Nā de alio & nouo, q non sit ex semine Abrahamæ, nulla extat pmissio. Ita cum naturā Dei, fecit mortis capacem, quē nobis relinqt Deū?

Deinde dogmatizat, oblatu Euangelij hoīes redimi à Christo, eoq; oēs. Nam Euangelium tandem omnibus semel offerri, ut uero hi illud recipiant, alij minus, liberi arbitrij esse. An non tollit hic cum electione, semel totū redemptionis nostræ opus? Addit ijs, q postquā ueritatem receperūt, scienter peccant, nullam superesse spem ueniæ. Deniq; damnans dirissime pædobaptismū, etiā aduultorū baptisma suspendit ad triennium, ita & Christū ipsum, & omne id propter qd nobis Christus uenit,

DE BAPTIS. PARVVLORVM

nit, homo factus, nostræ salutis dispensationem, perniciosissimus hæreticus funditus tollit. Et ne hoïes hoc doceri, & eius detegi tam pestilentes blasphemix facile queant, quotq̃t hodie Evangelium annunciant, Satanæ ministros facit, & tam inauditis, tamq̃ dire accumulatis convicijs obruit, ut dicas eum ipsis furijs aliquādiu operā dedisse. Sumit sibi q̃q̃ uim diuinandi, multaq̃ horrenda & seditiosa prædicit, sed in quibus sæpe iam falsus deprehensus est. Est uero tam impudens hic & perturbata rationis, ut Senatui nr̃o nō liqueat, prudens uel imprudens furat.

Hæc omnia ex libris miseri hoïs ipse legere potes. Nam non solum hos tibi adesse, illius discipuli gloriant̃, sed etiam, qd Christus auertat, probari, teq̃ palam ipsorū dogmata iam illic profiteri. Aliam mentē tibi esse tuæ præse ferūt literæ, quibus credere malo. Nam & de nobis scimus, quā gloriati sint illic, quasi ipsorum blasphemias rece-

F v

EPIST. MARTINI BVCERY

pissimus. Non potest aliud, qui est pater mendacij. Terruit tamen me quod scribis, te hanc quæstionem nondum audere attingere, & Hilarium in hac laborasse, te ista excussurum. Mi frater, nondum constat tibi, Dominum Iesum pro te carnem factum, id est ex diua uirgine Maria. Solet ne ludere nobiscum Deus in scripturis suis? Quid quæso est, esse fructum uentris, fructum lumborum, nasci, & nasci ex uera matre, & Dñi genealogiam non ad Abraham tantum, sed Adam usque perducere? Nam Ioseph non fuisse patrem eius, scriptura diserte fatetur. Hilariū uero tuais hic laborasse. Bone deus, quàm necesse est orare nos, Ne inducas nos in tentationem. Tam diserte, tam clare, tam expresse hic sanctus uir, nullis non locis, Dñm nostrum carnem suam ex diua uirgine assumpsisse confitetur.

Sub finem scribis, quod nos non parum recreauit, uos nondum docere contra Baptismum paruulorum, nec eum abroga

DE BAPTIS PARVVLORVM

abrogaturos, nisi audito antea Ecclesiarum iudicio. Id facias, te per Dominum nostrum Iesum Christum, per sanctam eius Ecclesiam, per omnia quae tibi merito chara esse debent, oro, obsecro, obtestor. Sponsa Christi est Ecclesia, cui ministrandum est religione summa. Vae illi, qui hanc temerare auit.

Postremo hortaris, ut etiam si in uno & altero dogmate dissentiamus, uinculum charitatis ne rupamus, sed iunctis operis, ueritatem quisque pro se eruiamus, & Ecclesiam in suum locum, in solidum ueritatis fundamentum restituamus. Hoc ultimum dum spectaueris & secutus fueris, mi frater, ut Ecclesiam, quae aliud fundamentum habere non potest, quam Christum, ex hoc fundamento instaures, non conuellas, Dominum nostrum Iesum Christum unicum nostrum seruatorem praedicaueris, nec ullis, qui hunc pariter confitentur, sanctam societatem renunciaueris, me fratre ueris, ea tibi charitate

EPIST. MARTINI BV CERI

iuncto & addicto, ut te mihi iungi addi-
ciſſimè uelim. Sed mi frater uideo te nunc
profecto grauiter tentari, huius te mo-
neri à me oro fraterne feras, proinde
da hoc Chřo Dño, da sanctæ eius spon-
sæ Ecclesiæ, da id Euangelio Christi,
ne quid noues temere, ne putes te unũ
ex ijs, quibus Dñs publicum in Eccle-
sia munus nunc dedit, uidere tantam
in pędobaptismate abominationem, in
quod tota Ecclesia ab initio uidere sibi ui-
sa est sanctificationem Christi. Fuit ex
nostro ordine Vualtshudñ, qui idem
quod tu sentiebat, docere cœpit, & per-
didit Ecclesiam suam, ut nũc pristina
obtineant oĩa. Kutzius quidã iuuenis,
qui literas degustauit, & haud male-
uoli animi habebatur Vuormacię ten-
tauit idem, in ipso autẽ conatu fractus
est, & eo pacto diueam urbem puriore
uerbi Dei prædicatione sua impia au-
dacia spoliauit. Postea agre unus ad-
missus est, qui Christũ ibi sincere ad-
nunciat, cum antea ni fallor, quatuor
fue-

DE BAPTIS. PARVVLORVM

fuerint, & iusta omnium Christi administratio, cum nunc Papista omnes parochias recuperarint. Pari euētutentata hæc res est, & in Silesia ac Morauia, ibi non una tantum Ecclesia propter Pædobaptismū misere perturbata, & idoneis ministris spoliata est. Aedificemus frater, ne destruamus. Discamus tandem, quæ sint cogitationes Satane. Non imponāt tibi uel aliorū, uel eius, quem forsan hic magistrū habuisti, magnifica uerba. Transfiguratur se Satan in angelū lucis. Opus Christi destruere non leue negociū, artem id & conatus requirit non uulgares. Sed potuit Satan olim suos Ap̃los sic instruere, ut Christi Apostolis, & ipso Paulo sanctiores haberentur, & longe præferrentur, potest idem hodie. Atqui istos hypocritas, si tantum ad regulam charitatis, eam quam habemus i. Cor. xiiij. adhibeas, nullo negotio deprehendas. Vale frater in Domino, is tibi suggerat in omnibus suam mentem. Hunc

EPIST: MARTINI BUCERI

ora pro me, & libere rescribe, quicquid in me desideraueris. Tantum ne properes nouare aliud, quàm uitam nostram ad imaginem Christi.

Resalutant te & tuos symmystæ.

Tuus M. Bucerus.

ARGENTORATI EX AEDIBVS

MATTHIÆ APIARII

XV. Kalend. Ianuarij. M. D. XXXIII.

Errata.

In C primo, facie i. uersu antepenultimo, lege, uanitas.

In C iij. fac. ij. uersu penult. aduersatur legi Dei, abolitioni studendum.

In C vij. fac. i. uer. viij. genuinæ sordes.

In D ij. fac. i. uer. ij. noluerit.

Eodem fac. ij. uer. xij. ea indicia.

In D iij. fac. i. uer. antepenult. quis illud cum

In D v. fac. ij. uer. iij. completq. in eis.

In D vij. fac. i. uer. ix. præiudicium.

Eadem fac. uer. xvij. eoq.

Eodem fo. fac. ij. uer. ij. aut aliquos.

In D vij. fac. i. uer. iij. iam fugisse.

Eodem, fac. ij. uer. xij. reddunt.

In E iij. fac. ij. uer. xix. & mundo.

In E v. fac. i. uer. ij. Domino non.

Eadem facie, uersu ix. defuerint.

F viii

Österreichische Nationalbibliothek



+Z

